

40 قلعهلارنى خود الا الماس تور \* قول سېتم بېرە سالا الماستور  
 بېرەكېتىب قلعهلارنى حاصل \* بولدىلار اول سارى ايمدى مابل  
 باردور احمد بېكېمىز قورغاندا \* اندېن اوزكا كېشى بوكتور اندا  
 اوشبو سوزلار بېدە اول يورتول \* ساليان ايلكارى سونك جاغداول  
 ياندىلار خان سارى اول كوردېن \* تونكولوبان بارى اول كوردېن  
 45 اول حكايەت جون يېتىشى خانغا \* ئايشوروب اوز ايشىنى بزدانغا  
 مشورت ايلادى سلطانلار ايلە \* دېدى رزم ايلاكالى خانلار ايلە  
 قايدا كېم بولسە الار يېز نېتالى \* تىنكارى بېرسە اليان قايشالى  
 آروغ آتلىقنى خچند ايجرە ساليب \* سېمىز آتلىقنى قولومىزكا آليب  
 ايلغاساك اسرو خوش آندا كياور \* ايشىمىز اسرو نماندە كىلور  
 50 بارچە بو سوزكا قولاق توتقىلار \* ھرنە خان دېدى انكا بوتقىلار  
 جون بوسوز بېرە بوروب كېلدىلار \* بارچە ايلغار براغىن كېلدىلار  
 كېلدىلار اوزلارنى چست خواص \* پايمال ايلدىلار خاص و خواص  
 آروغ آت بېرە آغېر بولدىنى نام \* سالدېلار شەر خچند ايجرە عوام  
 بولدى خان بولغى كېم بخشى يمان \* تورت كونلوك آروق آسون يكان  
 55 ايرىنك ايلكى آينى) السونلار \* چېدەدېن اوزكاسىنى سالسونلار  
 بېر دولغە بېلە بېر چېدە بېتار \* بولماسە اوزكا نېدە ايرىكا بېتار  
 جون بو بولغى ابل ارا ابلاندى \* بارچە قوللاردا چىرىك سالااندى  
 كىشى نېنك بخشىسى اتلاندى تمام \* باردېلار اول كسون كند بادام  
 اندېن اتلانغان ايلە راست نسوخ \* باردېلار حضمى ايلاب منسوخ  
 60 باردېلار اندېن خوقان اورچىن \* كېلدىلار اندا مىخالغە كىمىن

آينى بولدى

L.I.

f 126a حضرت امام الزمان و خليفه الرحمن تنبلغه يارليغ  
 ييباركانى

باردىلار خدمت تنبلغه نشان \* كېم ايشىتوك ايسە كېم ايلكى خان  
 سىنك اوستونكا بوروب باردېلار \* سىنى بىجارە كوروب باردېلار  
 يېز سنكا چارە قىلورغە كىلدوك \* دشمن آوارە قىلورغە كىلدوك  
 ايمدى مردانە بول اى تنبل سين \* قىلماغىل ملك ايشىنى مھمل سين  
 5 كېم يېشىتوك سنكا ايلغار قىليب \* خصمى يېز بېلە ھومار قىليب  
 سين جو اظهار محبەت قىلدىنك \* اوزنى شايستە دولت قىلدىنك  
 يېزنى دىب بايرى لارىنكدېن كىچىنك \* يېزنى دىب جام محبەت ايجىنك  
 يېز تقى سىنى جدا كورماس يېز \* سنكا مختنى روا كورماس يېز  
 خصمىنكا خصملىق اظهار ايتالى \* عمرېدېن خصمى بېزار ايتالى  
 10 كېم كە يېزنى دېسە يېز ھم دېر يېز \* دوستلوق سوزىنى محكم دېر يېز  
 كېم يېزىنك ايتا كېمىزنى توتسە \* جرغە ساغرىمىزنى بوتسە  
 ضابح ايتماس يېز آنى يېز ھركر \* انى قوبماس يېز ھركر عاجز  
 ذرە بولسە قوباشى بواور اول \* آسان تىكراسىدا ابورولور اول  
 ايمدى سين سالمە كونكوانى زىھار \* كېم سنكا بولغوسىدور دولت بار  
 15 بو نشان جونكە مكمەل بولدى \* ايلجىمىز عازم تنبل بوادى

L.II.

تنبل نىنك بىك تىلبە آتلىق آغاسى كورونوش كا كىلكانى  
 مرغىنان حدېغە بىشكاج ايلجى \* قصدىنك شىخىنى ايتكاج ايلجى

حضرت امام الزمان و خليفه الرحمن خانیکه خان بیله  
الجه خان نینک ایلمچی سیننی آلیب مغولستانغه چیریک  
تارتقانی

داستانی ایشیت ابدی خاندین \* یعنی اول پادشه دوراندین  
مغول اول سوز بیله حضرت خان \* نیلابان نصر و فتح بزدان  
مندی دولت آتیغه شاهانه \* سوردی اول پادشه فرزانه  
جون کهک سویدین اوتی اول شاه \* ییتی اول ایلمچی دیکان نامه سیاه  
خانلاری نینک سوزینی عرض ابنی \* عرض ابیب صلح سوزیکا ییتی  
5 خان دیدی اورانیپه کا بیتمای \* چیریک اول قلعه ساری داریمای  
f 123b صلح سوزیکا جواییم یوقتور \* تینکری اطقی بیله کونکلوم توقتور  
اوشبوسوز بیرله یوردی اولخان \* تا رباط ملک و سییستان  
خشم نینک حالینی اندا بیلدی \* بیر کیشی اندا تیل آلیب کیلدی  
سوزی بوکیم یورویان اول ایکی خان \* اندجان باردیلار ایلاب جولان  
10 خانغه بو قصه جو معلوم اولدی \* سوزی کیفیتی مفهوم اولدی  
دیدی تبیل منکا نوکر بولدی \* انکا اقبال میسر بولدی  
بیماریب قرداشینی قاتیمغه \* خطبه اوقودی منینک آتیغه  
اول ایکی خان کورا الماسلیقیدین \* مینی کوروب توزا الماسلیقیدین  
بولدیلار دشمن اینک خانیغه \* تاکه کیرکابار اینک قاتیغه  
15 ابدی اوخشان بودور ای سلطانلار \* ای قراجیلار و ای اوغلانلار  
کیم خلاص ایلاکه ییز تبیلنی \* اوزکا خلاص ایلاکه ییز تبیلنی  
f 124a

اوشبوسوز بیرله روان بولدی خان \* بولدی لشکر تقی فی الحال روان  
یورویان سر بویغه ایندیبار \* توشوبان اندا دمی تیندیبار  
20 خان دیدی کیم کیجالی دربادین \* اوتالی تاغ بیله خارادین  
بارالی راست مغول کوشوریکا \* سالالی زلزلهلار کوشوریکا  
اول ییزینک کیلکانیمیزی بیلسه \* اورونوب هر ساری دین کیم کیلسه  
ییز آتی بیر ایله یکسان قیلالی \* بارجه عالمی کلستان قیلالی  
خان بو سوز دیدی ولی سلطانلار \* دیدیلار خان بولیدادور جانلار  
25 اطف ابیب موند اوزی تورسون خان \* ایلاسون اول ساری ییزلانی روان  
ییز باریب فی دیسه انداق قیلالی \* قیلیان ایشینی قاتیب کیلالی  
کر غرض بو که قوتولسه تبیل \* سوزی انداق که دیلدی اول  
یورتاول بارسه مغول کوشوریکا \* فتهلار سالور ایکن لشکریکا  
f 124b اول سیزینک کیلکانینکیزی بیلسه \* سرینی بیلکانینکیزی بیلسه  
30 اولتورا الماس ایکن اول بیردا \* اول تورا الماس ایکن اول بیردا  
خان بوسوز بیرله ایکی مینک چه کیشی \* بیماریب صبر و ثبات اولدی ایشی  
قاندیلار خان [بیله] سلطانلار هم \* ایذا جان بیله اوغلانلار هم  
خان بیمارکان ایکی مینک جاغلی قزاق \* توزویان خان بولیدا مهر و وفاق  
کیچتی لار تون ارا سردین فی الحال \* شهرخپه یولین ایلاب پامال  
35 قلعه سیننک نوشیدین اوتی لار \* اونجه اتلیق کیشی سین قوتتی لار  
سوزلاری بو که ییزینک خانلاریمیز \* کیم الار بولیدادور جانلاریمیز  
اندجانغه جو یورور بولدیبار \* اوشبو کوشور توزیدا تولدیبار  
دیدیلار آتی مونی بیلیماس ییز \* خصمنی الماغونجه کیلماس ییز  
قیلسه ناکاه حمایت انکا خان \* چاپار ایرکین بو ولایت فی یمان  
f 125a

اسلام مین اسلام مین صفار کفری نیلاسون

کفار بیخین کیساین قالمهسون اندین هیچ نشان f 121b

شهباز بولدی جنکیزی سیمرخ و عنقا قایدادور

مین مین محیطنیک جوهری جوهرنی بیلماس انس و جان

ای کهریا معمور ابتای کوب در و مرجان لار توکوب

ای دلبرنیک دردی بیله اوتقه بانارمین هر زمان

شیانی سوزونک فیسه قیل بورور بولونکنی راست قیل

طوطی سوزی شکر تورور مردار فرغه ناکسان

بو غزل ایلکا یایاغاج<sup>۱</sup> اندا \* قالمادی طاقت اول ایکی خاندا

دیدیلار ایدی نی بولسه بولسون \* عمریمیز ساغری تولسه تولسون

اوروش ایلار ییز اوشول خان بیراه \* ایلابان جهد و جدل جان بیرله

یغدیلار بو سوز ایله لشکرنی \* بوزدیلار جرخ<sup>۲</sup> سالیب کشرنی

بیردیلار ایلکا علوفه بسیار \* قیلدیلار رزم و براغین طیار f 122n

قیلیان ایل اولوسین ناخشنود \* جیقتی لار اول ایکی خان ناخشنود

یغیلیب کیلیدی ایسه لشکرلار \* کیلیدیلار قاتلاریکا سرورلار

مشورت ایلابیلار بخش بمان \* فکرنی سیلابیلار بخش بمان

عاقبت فکر مونکا ثابتی قرار \* کیم اوروش خان بیله باردور دشوار

حالیا اوراتییه قورغانی \* نرتو قلعه سیغه بار ثانی

باردور اول قلعه دا بیش مینک لشکر \* قاتل و صفشکن و جلد اکثر

کیلیب اوج قاتله نی قیلدی انکا خان \* ایماس اول قلعه نی الماق آسان

انی المای بیرى اول کیلکوسی بوق \* سریمیزنی بسه اول بیلکوسی بوق

1) Pyr. 2) یایاغاج

بیز اینیک بیراه اوروشقونجه بو طور \* ایلاکونجه اوزومیز جانیه جور

اندجاننی نی اوجون الماس بیز \* خاکیهغه نیکا آت سالماس بیز

اوز اتامیزنیک ایتارجی سیدور اول \* اتاسی بیزکا ابرور بابری مغول f 122b

مصلحت ایدی بودورکیم ایکی خان \* ایلاکایلار کیشی لار خانغه روان

صلح سوزین انکا عرض ایتکایلار \* بات بوروب خدمتیغا بیتکایلار

صلح سوزینی ایشیتکاج اول خان \* قیلور آهنک سمرقند روان

تارقانور لشکرنی هر ساری \* لشکر ایولارکا بارورلار باری

کیشی اولخانغه باریب کیلکونجه \* فکریمیزنی تقی اول بیلکونجه

اندجان ملکینی بیز آلوریمیز \* بیکنیک جانیه اوت سالوریمیز

اشلیق اوستیکما باروریمیز حالا \* بیرور اول قلعه ایلین بیزکا خدا

اوشبو سوزلار بیله اول ایکی خان \* قیلدیلار ایلیجیلارین خانغه روان

اندجان ساری هجوم ایلابیلار \* ایل اولوس باری هجوم ایلابیلار

یستی لار اخی دیکن قورغانغه \* کیرمادی اخی اول ایکی خانغه

اشلیغینی بیدوروب اوتی لار \* اندجان نیک بولینی توتتی لار f 123a

اندجان بیرله بسی اخی ارا \* ارخیان اتلیق ایدی بیر ماوا

بیتیب اول بیرکا نزول ایلابیلار \* شهریهغه عزم دخول ایلابیلار

فارغ اندین که نی قیلغای دوران \* باشلاری اوزره نیتاک کیلکای خان

f 119b كسيم مغول پادشهی خانیكه خان \* بو اولوسنی قیلیب ایردی ویران  
 حکم ایلاب ایدی کیم خیل مغول \* قوشوبان اوزلار بکا نیجه جغول  
 10 سغدینیک ایملارینی جابسونلار \* هر نه قابقانلارینی قابسونلار  
 اول ایکی بیل کیجه کوندوز اول خیل \* کیردیلار سغد ارا انداق کیم سیل  
 سیلدیک لیک بلا سیلی دیک \* نی بلا بولغای الار خیلی دیک  
 خان سمرقندنی الغاندین سونک \* بورتین اول شهردا سالغاندین سونک  
 مغول اوزکا کیلا الماس بولدی \* بول سمرقندغه سالماس بولدی  
 15 بولدی بسیار زبون خان قاشیدا \* لیک بار ایردی باغلیق باشیدا  
 قیرق مینکجه مغولی بار ایردی \* کیم باری رزمدا جرار ایردی  
 تاشکند ایردی آنینک تحتکهی \* تاغ و توزین توتوب ایردی سپهی  
 شهرخیه داغی اولخاندا ایدی \* لیک خلقی باری ارماندا ایدی  
 20 کیم قاجان خیل مغولدین قوتواب \* شکرلار ایتقاییز شاد بولوب  
 اورانیسه داغی اولخان فولیدا \* فان و کیشتود هم اینک بولیدا  
 ملکی نینک بیر یانی صیرام ایردی \* بیر یانی دزق و بورغام ایردی  
 بار ایدی قلعهلاری خیبردیک \* قلعهلار ایجه ایل کافر دیک  
 مویجه لشکر بیله حاصل اولخان \* بولمادی رزمغه مایل اولخان  
 اوزینی بیدل و عاجز کوردی \* ابنی سینی تیلا تیب کیلتوردی  
 25 اینی سی اسرو دلور ایردی \* اوزی نینک خیل یغه سرور ایردی  
 الحمد خان ایدی اینک آتی \* انکا بار ایردی شجاعت ذاتی  
 تحتکاهی بولوب ایردی طرفان \* هم خطاغه سالیب ایردی طوفان  
 متصل اوروشی قلماق بیله \* بوروش و توروش قلماق بیله  
 اول کیلیب بیر نیجه لاف آنقاندور \* بیر نیجه سهم کزاف آنقاندور

f 120b خانغه بیتکاندور اینک لافلاری \* صکار ایتکاندور اینک لافلاری  
 خان اینک سوزلار بیدین تند اولدی \* غیرتیدین ایچی ناشی تولدی  
 قیلدی برلیغ که باری سلطانلار \* هم قراجیلار و هم اوغلانلار  
 بارجه بیل لیک توزوب اسباب براغ \* کوزلاسونلار باری لشکردا فراغ  
 بارجه سی کوج بیله کیسونلار \* تیج خاطر بیله ایش قیلسونلار  
 35 بولماغونجه مغول ایشی بر بیان \* ملکیکا بارغوسی بوق هیچ سلطان  
 برلیغی نینک بوسونو بیرله باری \* بیغیلیب کیلدی و هم کوجلاری  
 خیل و لشکر بیغیلیب کیلکونجه \* اوز براغینی قیلیب کیلکونجه  
 اول ایکی خان طرفیغه بو خان \* بو غزلی ایتیب قیلدی روان

حضرت امام الزمان و خلیفه الرحمن نینک غزلبور

f 121a ای عاقلان ای عاقلان ترک ایت سین ایدی بو جهان  
 جان بلبلی پرواز ایشار منزلکهن دور آسمان  
 بتخانندی ویران قیلیب میخانه آبادان قیلیب  
 40 کلخن ایماستور منزلنک کلشن هوس قیلغیل روان  
 برهم اوراین عقل و هوش ویران قیالین نفس خویش  
 بیگانهنی اشنا قیلیب تون کون کوزایکیل بخت خان  
 کونکوم غمین بیغم قیلیب حق دردینی محرم قیلیب  
 بولسه جراحیتم ایم قیلیب بولغیل طیب مهربان  
 قارتیب سمرقند لشکرین بوروب مغول اوستیکامین  
 اسلام تیغین تیز ایتیب برهم اوراین قالمافان

75 اتى مېنگە كەيشى غوغا ايلاپ \* ايتكى بولاسنى ميرزا ايلاپ  
 ايک خان دولتى غالب بولدى \* بلکہ دولت انکا طالب بولدى  
 خان قولى بارچە هجوم ايلاديلار \* ناش ديك خصمنى موم ايلاديلار  
 قايسى بيركا که يىشتى شاطو \* ديداديلار كە يىشماس دور بو  
 قازديلار حاصل اوشول يرى اوق \* قىلدیلار نازل لوشول يرى اوق  
 80 قازغاج اول تامنى كاولاندى تمام \* خان نيك ايدا يىقىلدى اول تام  
 رخنه اول قلعهغه سالغاج دوران \* چيقتى لار قلعهغه لشكر يکسان  
 قيرديلار بارچە اوروشقانلارنى \* جورديلار اندا توروشقانلارنى  
 قتل عامى بولا بيردى که دېهه \* اردحامى بولا بيردى که دېهه  
 قيرديلار قلعهده بولغان خلقيىن \* يىتى اول ايلكا قنادين سالفين  
 85 يىرى نيك قارنى بولوب ايردى جاك \* وهمدين بيرى بولوب ايردى هلاک  
 قايسى نيك باشى نكونسار ايردى \* اوزى نوباق بيله هموار ايردى  
 قايسى نيك مغزى بوروندن چيقتى \* قايسى اوزىنى قوبوققه يىقتى  
 قايسى سامان ارا بولدى پنهان \* قايسى بير بولدى ينه بى سامان  
 قايسى لار اولجه بولوب چيقتى لار \* درد و غم بيراه تولوب چيقتى لار  
 90 باشلارى توب كىبى غلطان بولدى \* قلعه نيك ايجى توله قان بولدى  
 قلعهنى تيره كوروب لشكر ايلى \* قلعه نيك خلقيىن ديب خيبر ايلى  
 اوت ساليب ايلاديلار روشن اتى \* قىلدیلار اوت بيله بير کلخنى اتى  
 اوت توتاشتى بيه اول قورغاندا \* هيچ نيهه قالمادى كورماي اندا  
 باشونوب قالغان ايلى هم ياندى \* اولتوروب سالغان ايلى هم ياندى  
 95 اوت توتاشقان بيله اول سر منزل \* دوزخى بولدى ارغه حاصل  
 اول جماعتنى ساليب دوزخ ارا \* بيردى جنت جيريك اهليغه خدا

f 112a

f 112b

جنت اولکيم باری اقبال بيله \* فتح و فيروزلوق مال بيله  
 كوردیلار ساغ و ايسين جانلارنى \* ظفر و فتح ايله ساطانلارنى  
 خانغه جون نصرت داور بولدى \* قلعه نيك فتحى ميسر بولدى  
 ايلادى حکم که ايلاب تقصير  
 هيچكيم ساقلاماسون هيچ بيسر

100

اولجه ايل بارچەسى بولدى آزاد \* قاپشيب بير بيرىنى بولدى شاد  
 خان ينه عنم سمرقند ايتى \* بوروب اوز تحت كهيغه يىتى

II.

حضرت امام الزمان و خليفه الرحمن مغول خانلارى  
 اوستيكا يوروماك بولغانى و اوز يىدين بورون غزل درد  
 انكىز فتنه اميز ايتيم اول خانلارغه ييباركانى و اول  
 خانلار اول عزلدين الفتته بولوب كنگاشلارى و امام  
 الزمانغه اياچى ييباركانلارى

حضرت خان سكندر كوردار \* حامى شرع رسول مختار  
 جون خچند ايشيدن اولدى فارغ \* تحت اهليغه قوشوادى فارغ  
 ظاهرا اوتمادى بولغاي بير آى \* كيم ينه اول شه عالم آراى  
 مغول اوستيكا يوروماك بولدى \* بير و كوك اوله سيدن تولدى  
 5 اسرو كوب ايردى مغول نيك خيلى \* ايلنى بوزماققه اير نيك ميلى  
 كور اولوسلارنى اير بوزديلار \* اوزلارنى ظلم بيله توزديلار  
 خان سمرقندنى ايلار دور ايدى \* بول هنوز اول سارى سالما بدور ايدى

اوزلان 1) 138



قابسی نینک ایشیکدین کیردی قوباش \* ایلادی نور بیله انی فاش  
قابسی صحرا ارا قیلدی مسکن \* ایلادی باغری اوچون بیرنی وطن  
نور چون بیسی انکا یاییلدی \* نورنینک کونکلی تقی آچیلدی  
35 مسکنیکا براشه توشتی نور \* همتیغه براشه تابستی حضور  
خاندین اوزکانی دیماک نور خدا \* اوزکا شهلارنی دیماک شمع هدا  
انکا اوخشار که توشار بیرکا قوباش \* بارجه ایل آتی قوباش دیرلار فاش  
لیک تحقیق قوباش ایرماس اول \* مهر ذاتیغه توتاش ایرماس اول  
قوباش اولدور که ایردر کوردوندا \* پرتوی بحر بیله هاموندا  
40 اولکه بار بیردا اینک پرتوی دور \* پرتوی ایجره کوردونکان ضوی دور  
پرتو ایچیدا کوردونکان ضولار \* بولدی بیر بوزیداکی خسروار  
آسمان اوزره قوباش قابان \* بار بو آیامدا شیبانی خان  
حاصل قصه اوشول خان دایر \* ابلاکاج حمله اوشول نوع که شیر  
باباغی شاه جهانگیرشان \* بیسه سین خالی اینیب قاجتی روان  
45 تاغ اراسیغه کیریب اولتوردی \* بیرک بیرلارنی مناسب کوردی  
لیک اولتوردی خجند ایجره غریب \* اوزینی کوردی خجند ایجره غریب  
بولدی همای انکا سنجر هم \* قیلیان قلعهلارینی محکم  
خان بیئیب کیلکاج اوشول قورغانغه \* ایلادی حکم بیزینک سلطانغه  
کیم نصیحت قیلینکیز بو ایلکا \* بارماسون جانلاری اولتوق بیرکا  
50 خان سوزی بیرله همولدم سلطان \* قلعهغه ایلادی ارسال نشان  
اول نشان ایجره نصیحت بسیار \* لیک الار کونکلیدا هیچ ایتمادی کنار  
اسرو مضبوط ایدی قلعهلاری \* متفق قلعهداغی خلاقلاری  
بار ایدی تاملاری اسرو بلند \* سالماس ایردی انکا اندیشه کند

یوق ایدی خندقیغه پایابی \* خندقدا بار ایدی کوردابی  
55 قلعه تامیدا چیکیب ناولار \* بار ایدی یاندا کوب مردکلار  
بارجه ناول فکن و سنک انداز \* بارجه سی برق صفت آتش باز  
قیلیب اول خیل و کرده اوباش \* کیشی باشیغه مهیا یوز تاش  
تاش دیک بیرکیتیب اول قورغانتی \* جیقیمان کورمادیلار سلطانتی  
تا الار سوزین آیتغای خانغه \* فیلغای اول قومنی توش احسانغه  
60 چون الار ایلادیلار سرکش لیک \* بولدی رهزن لاری مجنون وشل لیک  
انکلاب اول ایشارینی حضرت خان \* ایلادی قهر یوزیدین فرمان  
کیم بو قورغانغه اوروش سالونلار \* خلق قورغاندا باقیب قالونلار  
نردبان و توره طیار ایردی \* لشکر اهلی باری جرار ایردی  
یوردیلار باریسی فرمان بیرله \* توردیلار رزم ایشین جان بیرله  
65 بیئیلار توره آلیب خندقیغه \* اوتی لار کوپرو سالیب خندقیغه  
بافمادی بعضی لاری کوپروکا هم \* کوپراکی سویدین اوتی بی غم  
خاکریزیغا بیئیب توردیلار \* اوزلارین قلعهغه بیئیکوردیلار  
توردی اوق اوجیدا قابوجیلاری \* اوقلارین یاغه قوبوب جستلاری  
باشن جیقارغانتی آنیب اوردیلار \* اوقلارین جانیغه بیئیکوردیلار  
70 خندق نینک سویدین اوتکان ایل \* خصمینک ایشینی هورکونکان ایل  
قوبدیلار قلعهغه شاطولارنی \* ساقلادیلار باری قابولارنی<sup>1)</sup>  
قلعه نینک تامی بلند ایردی بسی \* اوزی مضبوط نینک کیم قفسی  
بیتمادی تامیغه شاطو اصلا \* قیلدیلار قلعه ایللی هم غوغا  
تاشلار تاشلادیلار کیم سورما \* فتنلار باشلادیلار کیم سورما

f 118b

f 111b

1) Именно здесь следуют помечены ff. 111b и 112, какъ едѣль и Г. Вахбергъ, см. выше стр. 118.

تورت ابرور حرف دیکان آمیندا \* کیم قیلور هر بیر اولوکنی زنده  
هر بیرینیک شرفیدین حاصل \* ملکی ایلادی خالق ایل  
اول کیشی کیم منکا بوسوزنی دیدی \* سوزی بسیار پسندیده ایدی  
اعتقاد ایلدسا بولور اوزیکا \* اعتماد ایلدسه بولور سوزیکا  
پس بوسوزنی بیرسیرای اهل بقین \* یانکی باشین بنه اینیک آمین  
کیم خداوند، کریم غفار \* ایلانکای خانغه عنایت بسیار  
فتح بولغای انکا تبریز و عراق \* بوساری مانکقط و قلمان و قزاق  
روم دریدین<sup>1</sup> توفا تا چین و خطا \* اجا بیرون انکا الطاف خدا

410 f 115b

XLVIII.

حضرت امام الزمان و خلیفه الرحمن مغول اوستیکا  
اتلانیب جهانگیر میرزانی قاجوروب خچند قلعه سیننی  
آلیب بوزغانی

حضرت خان سلیمان مقدار \* اوزی نینک تختیدا جون تابتی قرار  
ایلادی حکم کیم قاتلانسونلار \* بیر آی اوتکاج جیریک آنلانسونلار  
کیم مغول ایشینی بر<sup>2</sup> یان قیلالی \* فتح و نصرت بیله قابتب کیدالی  
خان دیکان فرصت و بلجار بیله \* بیغیلنب کیدلی باری چار بیله  
بنه اولجان بزرک آنلانندی \* قبله فرقه ترک آنلانندی  
باردی قاج کوندا اوراتیبه ساری \* اوتی اندین تقی فی الحال ناری  
خان اوراتیبه دین اوتکاج فی الحال \* همرهی فتح و رفیق اقبال  
کیدلی اول خان معظمه خیر \* کیدلی اول خسرو اعظمه خیر  
کیم جهانگیر دیکان شهزاده \* بیغیان بیر نیجه اوزدیک ساده

5 f 116a

1) Pyк. 2) Pyк. روم دریدین

10 قیلدی مسکن اوزیکا ملک خچند \* عیش نینک منظره سین قیلدی بلند  
انکا بار اولدی غریب برلاس \* سالیب ایل کونکلیکا یوز مینک وسواس  
خانیکه خان هم انکا بار اولدی \* انکا هر ایشدا مددکار اولدی  
سنجر انلیق بیکنی فوشتی انکا \* اول باریب قلعه دا فاوروشتی انکا  
الجه خان داغی نیر سردارین \* بیساریب ایلادی مهر اظهارین  
ایکی باشلیق یان ایله ایکی خان \* قیلدیلار ایکی مینک البانچی روان  
15 لیک شهزاده که درکار ایدی \* مینک چه بخش بیکنی بار ایدی  
بو خیلارنی ایشیککاج اول خان \* ایلادی حکم که هم اوشبو زمان  
جیریک اول ملک ساری عزم ایتسون \* عزمی جنم قیلیب رزم ایتسون  
خان جهانگیر ناپا عزم ایتکاج \* عزمین اول ملک ساری جنم ایتکاج  
20 خرد خرده نویس ایتی بیان \* کیم قیلور ایکی جهانگیر قران  
بو حکایتنی ایشیککاج بنده \* اوشبو سوز باشیغه بیتکاج بنده  
دیدی اوزوم بیله کیم ای نادان \* بو نیدور کیم خردینک قیلدی بیان  
کر اینک آتی جهانگیر ابرور \* شیوه سی قابل تحریر ابرور  
خان جهانگیر ابرور معنی دا \* خردی بیر ابرور معنی دا  
25 بو جهانگیر فاشیندا نیدور اول \* مون کورکاج کیم انکا سالغای بول  
کیمکا کیم دیده معنی بین بار \* انکا پوشیده ایاس بو اسرار  
پادشه نور خدادور شکسیز \* پادشه شمع هدادور شکسیز  
پادشه مرتبه سی عالی دور \* پادشه کورکده سی عالی دو  
لیک بسیار تفاوتلار بار \* پادشه لار اراسیندا ای بار  
30 قایدای کیم نور آلهی کورپاک \* دولت نامتاهی کورپاک  
قایی نینک تونکلیکیدین بیر بزو \* روشن ایالاب آتی ایالار خسرو

f 116b

f 117a

365 بودور اول بیردا اینتقان ایسات \* کیم باریدین تامادور آب حیات

f 113a

حضرت امام الزمان و خلیفه الرحمن نینک غرلیدور

بوزوانکنی کوردوم اول چارطاق ایچیندا \* آچیلمش تازه کل بافراق ایچیندا

تیم قیلانک اول غنچه لینیکنین \* دیکلای سین بال تامار قیماق ایچیندا

نیچه کیلادینک ای رعنا غزالیم \* مینی باندورماغیل اولاق ایچیندا

کرم فیلهیل کیل ایددی ای عزیزیم \* اوتورغیل دیده مشتاق ایچیندا

370 جهان نینک کوزی هرکز کورمیشی بوق \* نه قیلدی لیلارینک سورماق ایچیندا

کیل ای ساقی بوکونوب بیر اباق توت \* منکا دلبر بیله قیشلاق ایچیندا

f 113b

منکا جور ایلادینک ای بغری تاشیم \* کونکولتی ساقلامای دل طاق ایچیندا

مخالف و خوشنی قیشلاب توروردا \* توروش بیروای تورور تورماق ایچیندا

چیریک نینک کورمیشی کورمای قاجیب تور \* مثل دور قول فاجار اورماق ایچیندا

375 شبانیغه بیریب تور نصرتین حق \* قاووب مین خسرو [نی] جقماق ایچیندا

جون بو شعر اولدی مشهور اندا \* بولدی لشکر ایلی معور اندا

f 114a

خانیکه خاندین بولدی بو خبر \* کیم اینی سی بیله نوزدی لشکر

تنبل اوستیکه باریب قیلدی قبل \* ایمدی تورغان ایچیدادور تنبل

دیر ایمیشلار که بو بیرنی الساق \* نصرت و فتح کوسینی جالساق

380 بارالی راست سمرقند ساری \* کیم ابرور طالبی مین خلق باری

بنه بو سوز داغی بولدی ناکاه \* کیم الارغه بیر ایمیش خسرو شاه

خطلاری کیلیش انکا کای سردار \* بیز سنکا جان بیله باردور بیز بار

باردی خان اوستونکا بول مردانه \* کیم آچیلماج بو کرت فرغانه

بیز سمرقند ساری بارور بیز \* بیر بیر اول ملکنی اختارور بیز

1) f 111b و 112 زجه ۱. Вамбери правильно помѣстилъ, послѣ f 118b

385 مصلحت بیرله برایشیب تور بیز \* بیر بیریمیزی قراشیب تور بیز

بو خبرلارنی سماع اینکاج خان \* بوواب آشفته یانار بولدی روان

اوزی دولت بیله تخنیغه یانیب \* توشنی حق نصرتی بیرله قوانیب

f 114b

باردی اوز کشوریکا هر سلطان \* کیم الارغه بیریب ایدی بو خان

خان ایماس نقد سکندر دور بو \* یا خلافت بیله حیدردور بو

390 دنیسی الماقده سکندرلیق ایتار \* دین اساسی بیله حیدرلیق ایتار

بو ابرور دنیسی دا مقصود انکا \* کیم بیتیب دین بولدا سود انکا

آخرت ابوینی معور اینکای \* اندا هم اوزینی منصور اینکای

شوع بستانیغه زینت بیرکای \* خارنی کل اینکایدین تیرکای

شرع اربانیغه ایلاب باری \* تینکری نینک حکمنی قیلغای جاری

395 تینکری مقصودیغه بیتکورسون انی \* نظر لطف بیله کورسون انی

تینکری بیرسون قولیغه جام مراد \* تینکری بیرسون باری ایشیکا کشاد

قالاسون کونکلیدا هیچ ارمانی \* بولمه سون حسرت ایله حرمانی

تینکری قیلسون انکا بسیار کرم \* قالاسون خاطر یغه هرکز غم

f 115a

توزا بیرسون باری شغلینی انکا \* توتا بیرسون اینی اوغلینی انکا

400 هر ساری قولین اوزاتسه بیتسون \* دشمنی بارجه اولوسدین کیتسون

بو دعالار که کیمینه قیلدیم \* بو دعا بیرله قاتیغه کیلدیم

ایلاسون تینکری اجابتیغه فزین \* اینتیکیز بارجه یارانلار آمین

ایشیتیپ من که دعا قیلغاندا \* یعنی سوز تینکریکا اینیلغاندا

کیمکه آمین دیسه خلاق ودود \* ایلاکای تورث فرشته موجود

405 کیم بو آمین دیکوچیکا دایم \* بولوب اول تورث فرشته خادم

ایلاکابار انکا بیوسته دعا \* تا قیامت کونی بولغای پیدا



- لیک محمود دیکان سلطان نینک \* سلطنت شهری داغی جانان نینک f 109a
- چیریک اوزی بیله جمع ابردی \* بارجه پروانه و اول شمع ابردی
- اوز کیشی بیله اوق اتلانندی \* خصمنی قاولاغالی قاتلانندی
- راست بورتیغه بیتشکاج سلطان \* انداغی ایل دیدیلر کیم آسان 325
- کیجیب ابرکن بو زمان جیحوننی \* اوزدی بو ارادکی هاموننی
- کوپراکی بار ابدی طیار اندا \* بورتین اختارنی دیسانک بار اندا
- اینک اول بارغین انکلاب سلطان \* بارغیغه مثل فیلمدی روان
- دیددی کیم بارغاندین قاتماسون \* هیچکیم اینک سوزیدین قاتماسون
- اوزکا بورتیغه قیلیب عزم دخول \* چیریک اولجده بولدی مشغول 330
- الدیلر اولجه الا الغونجه \* سالدیلر<sup>1)</sup> قولنی سالا سالفونجه
- هر کیشی اون جیه الغان بولدی \* کوتارا المادی سالغان بولدی
- هر نه کیم بار ابدی اول منزلدا \* هر نه کیم بار ابدی اول محفلدا f 109b
- کوتارا الدیلر اول خیل آتی \* قالدی بولغای صکوتارا الماغانی
- قاجوروب یاغینی دلخواه بیله \* کتاریب یاغینی دلخواه بیله 335
- قایتیبان حضرت سلطان کیلمدی \* مونس و همنس خان کیلمدی
- فخ و فیروزلوق و نصرت ایله \* فیلمدی خان خدمتینی رغبت ایله
- اوزینی خان قاشیغه بیتکوردی \* وخن سویبی بقدهسیدا کوردی
- اوزکا خان نینک چیریک یخن یان \* بولدیلر اولجه اوجون بارجه روان
- سالدیلر ایلا هزیمت که دیبه \* آلدیلر انجه غنیمت که دیبه 340
- قوی قوزینی سورا الماسلار ابدی \* اورداغه بیتکورا الماسلار ابدی
- تیوه لشکرکا سوروکالر کیلمدی \* تیوه نینک اوستیدا بوکالر کیلمدی

1) سالدیلا 2) قلاغالی

- بوکالری رخت ابدی زنک برنک \* شکر و قند ایله تنک (و) به تنک
- بیلقی لار بولدی چیریکدا سانسیز \* آت و اوی تولدی چیریکدا سانسیز f 110a
- نه عرب قالدی نه ترک و تازیک \* نه اولوغ قالدی نه ریزه شریک 345
- باردیلر بارجهلاری بغمناغه \* قالدیلر بارجهلاری غوغناغه
- سوردیلر بولغای قوی اوج بوز مینک \* تیوه دین کم دیباسام اوتوز مینک
- آت و اوی بیرله تنقی اوزکا توار \* تورت بوز مینک بار ابدی وقت شمار
- برده سانی ایماس ابردی مرقوم \* لیک بو جاغلیق اولوبتور معلوم
- کیم چیریکدا نیجه کیم تیوه و آت \* اولجهدین توشکانی بولدی ثبات 350
- بارور ابردی انی بیر قول ییتیبان \* خرد و هوش باشیدین کیتیبان
- بار ابدی قاشیدا بیر طرفه کنیز \* یا مغول نینک ایلیدین الغان قیز
- یا عرب نینک قرا بیتلیک لاریدین \* یا خلج نینک اوزون ایتلیک لاریدین
- تیوه و آت که بولغای مالی \* هیچ بوکدین ایماس ابردی خالی
- ییتی معور ولایت حاصل \* اوشبو جاقونغه بولوبتور داخل f 110b
- باشی ترمذ ایاغی ملک حصار \* اراده قایی اولوسلر کیم بار
- وخن نینک تیکراسیدا بولغانلر \* دشت کولککا داغی تولغانلر
- بیر طرفدین دیکالی جیحوننی \* بیر طرفدین توتالی تابسوننی
- بیر طرفدین دیکالی شهر سرای \* ییتی بارجهلریغه قهر خدای
- تورت دریا بوییدا بولغان ایل \* ییتی کشور توزیدا تولغان ایل 360
- بارجهسی بولدی مباح<sup>(?)</sup> منشور \* بولماسون هیچ با رب مقهور
- اول قاجیش بیرله باریب خسرو شاه \* راست قندزغه باریب تابنی پناه
- حضرت خان قایتیب اول بیدین \* بیر نیجه بیت ایتیب اول بیدین
- ییتیبان فیلمدی روان هر ساری \* سوزینی فیلمدی عیان هر ساری

280 کیم ولی بیک بوروبان آتلانسون \* خبر المافقه بوروب قاتلانسون  
 ولی بیککا اینیب بو سوزنی \* جیب ساریب توتتی فاجارغه اوزنی  
 جون ولی تابتی خبر سلطانیدین \* خبری قامادی باش و جانیدین  
 اوزین آغاسیغه اوق بیتکوردی \* باش فاجورماقنی غنیمت کوردی  
 سرتنی خلق ارا آجتی ولی \* بیر قوروق باشین ایب فاجتی ولی  
 فاجتی باشین آلیب اول کورنک \* ایت سونکاکنی آلیبان فاجقان تک  
 285 اغاسی هم انکا تابع بولدی \* موئجه بیلغی ایشی ضایغ بولدی  
 کورمادی هیچ جیریک نینک کردین \* کورماسون هیچکیم اینک دردین  
 تاشلادی آق ابو ابله جادرنی \* توزدوروب خیل بیله لشکرنی  
 قالدی ساغیتلاری بارجه بیردا \* اوزی قاجماق بیله باتیب تیردا  
 قالدی بسیار دوولغنه اندین \* بولدی بیزار دوولغنه اندین f 107b  
 290 قالدی اندین بییشلیب زانوبند \* کیم بهادرغه قیلورمین پیوند  
 توشتی مانکالنی لیق بو ابردی سوزی \* کیم کیراکاس منکا فاجقاق یوزی  
 قالدی بسیار ابوی ایجره قطاس \* ییغشی اتلیق قه توزارمین دیب اساس  
 قالدی اوجین<sup>1</sup> تغه بیکدین اسرو \* کیم فاجار آتغه نی حاجت دور بو  
 قالدی بسیار یالو رنگ بزک \* قابو کلغام و قابو مینارنک  
 295 جیهه سنینک کوی در بند ایشی \* اییاسی دیک به در بند ایشی  
 اسلمه بارجه سی فاشقاب قالدی \* فاقشابان بیک داغی بولین آلدی  
 قالدی یورتیدا بولوب یالار قاق \* بارجه سی آتقوجی ایلکا مشتاق  
 یابردی نیزه قامیش باغی دیک \* بوبالیب قانغه باری باغی دیک  
 طوغلار قالدی جاپارغه لایق \* خصم بوزینی باپارغه لایق

1) اوجین

300 هر نفاهه که بیک اوزدین سالدی \* شادبانه جالینکیز دیب قالدی f 108a  
 هر طرفدین جاقیرا قالدی نفیر \* کیم باغی فاجتی نه وقت تقصیر  
 پیشخانه بیله آق ابوکا نی سان \* تام همان ابردی سراپرده همان  
 نقش لار بیرله مغرق بارجه \* قیلیان جیهه لارین شق بارجه  
 تونکلوک بیلکا باریب آق ابونینک \* روزکاری قاراریب آق ابونینک  
 305 پیشخانه دیر ایدی هیهات \* کیم اوجارغه برامایدور بو قنات  
 اورتایب قالدی باورجخانه \* اوت توشوب ایچیکا یانه یانه  
 شامیانه باری بیلکه باردی \* خشت بیلیپردین اوزینی هاردی  
 کوروبان اوز بیکیدین ابونی قوروق \* قاتا قالدی کوروب اول ایشی سرق  
 بولدی پامال ابو ایجره جازم \* بولوبان اولجه بولورغه جازم  
 310 قیلور ابردی اوشول ابو ایجره کلیم \* کرد اوستیدا فالورمین دیب هم  
 بستر عیش اونوتور بولدی سوزین \* منکا داغی بیغیشوردی اوزین f 108b  
 مشربه قالدی جاغیردین خالی \* بولدی رنگین جاغیردین حالی  
 اوزایب قالدی صراحی بوینین \* یاد ایتار بولدی بیراونینک قونین  
 کوراکه سیندی پیاله بیرله \* بیر قویسی ابردی حواله بیرله  
 315 فسق بسترلاری بیغیریلدی تمام \* بر طرف بولدی به شرب مدام  
 فاجتی لار رافضی و ملحدلار \* قاسالیدیلار مغبچه و شاهدلار  
 بیک اوزی فاجتی و بولین آلدی \* لیک اسباب تعظم قالدی  
 حاصله هر نی که بو مدتدا \* بیغیبان ساقلاب ایدی دولتدا  
 بارجه سین ناشلادی وقاجتی روان \* تا سلامت جیقارا الغای جان  
 320 جون آنینک فاجقانی معلوم اولدی \* بارجه ده حالی مفهوم اولدی  
 بارجه سلطانلار ایللی جاباقونغه \* باریب ابردی تاغ ایلله هامونغه

235 تينكرى قهرىغه سزاوار بارى \* لايق تيغ و سردار بارى  
 تينكرى قاي ايلنى كه معهور ايلار \* خان جيريكن انكا منصور ايلار  
 خلق نينك فعل لارى ايناماسه \* قانلارى نفس اوتيدن قانناماسه  
 بيرماس اول قومغه تينكرى تغيير \* اوزى بو نوع ديدى حى قدير  
 كچه كوب ايل بوزلوب سارولدى \* بارچه اوز بيريدا واقع بولدى  
 240 ناش محالنى فتح اولدى بو طور \* مونداق ابورولدى حصار اهليغه دور  
 اريككا قيلماديلار پروا هيچ \* اول سارى باقماديلار اصلا هيچ  
 اوتوب اندين بورولدى حضرت خان \* قيليپان خاك ايله آنى يكسان  
 بورولدى رخش مراد اوستيدا \* انكر شيخ عماد اوستيدا  
 جيريكي بارچه بيغىلدى اندا \* خصم نينك حالينى بيلدى اندا  
 245 وخشدا تورغانيدن تابنى خبير \* وخش آهنكى توزوب قىلدى نظر  
 جارلا تيب جمله سلطانلارنى \* تياتيب رستم دستانلارنى  
 ديدى اى عالم ارا سلطانلار \* جيكتينكيكز ملك اوچون كوب جانلار  
 انكا بيتيب بو سارى قول اوورونك \* بلكه بيتكوجه قولغه كيورونك  
 زينهار اولجه اوچون جابنورمانك \* باش ورون مال لارين تابنورمانك  
 250 السانكيكز تينكرى ديميش بولسه انى \* بولور ابركن بو جيريك بارچه غنى  
 ايل بولور مال بولور بارچه سيزينك \* اوز سيزينك تاغ سيزينك غلجه سيزينك  
 كور بو سوزلارنى قولاققه الماي \* بو حكايتهغه قولاقنى سالماي  
 مال ديب جابسه كيشي خصم تويار \* اياغى قاجماق اوچون اسرو كويار  
 اوشبو سوزلارنى ديسان حضرت خان \* قىلدى بربليغ كه آى اولغاج تابان  
 حمزه سلطان بيله سلطان محمود \* بورويان خصمنى قىلسون نابود  
 255 به قوللوق قولى بيرله نورسون \* هر كيشي اوز بولى بيرله نورسون

f 105b

f 106a

شاه محمود ايله تيمور سلطان \* اوزى نينك لشكرى بيرله بكسان  
 خان نينك اونك قولداغى بيكلار ايله \* رزم نينك بولداغى بيكلار ايله  
 جانوفا ايردى بيرى نينك آنى \* كيم وفادين براتيلميش ذاتى  
 260 ينه بيرنى اوروس خان دبرلار \* رزم ارا رستم دستان دبرلار  
 حمزه سلطان بيله هم سولداغى لار \* بوروسون بارچه اوشول قولداغى لار  
 اوشبو بربليغ بيله اول سلطانلار \* سلطنت جسيغه كيركان جانلار  
 آى تونغه قجى بيريب آنلارغه \* بيغيپان ساي كيشنى قاتلار يغه  
 بوروديلار باسانيب لشكردين \* اوزديلار بوكى آغير لشكردين  
 265 خانداغى سونك لاريدن درد بيله \* خاطر نغرفه پرورد بيله  
 بوروب الغاي ديدى اما ايل اباغ \* كيشيان دردى ابماس ايردى ساغ  
 يوقسه پيوسته بو طور ايشلاديلار \* يازلار جمله سى و قيشلاديلار  
 106b ايلغابان اوزى بورور ايردى خان \* اونك قىلور ايردى ايشنى يزدان  
 خان نينك ابلغارى موقوف اولدى \* فكر بيرله ايجى آينك تولدى  
 270 كيم نى ينكليغ بوروكايلار اول خيل \* قايسى بيرلاركا بيتشكاي اول سيل  
 ليك اول خيلداغى سرورلار \* كيم الار حكيمدادور لشكرلار  
 تونلا اوق اوزديلار آق قايجيقاين \* اوزوبان بوزديلار آق قايجيقاين  
 قايجيقاي ديكاني بير تاغ بلند \* كيم اينك ابكنيكا بيتماس اوند  
 تانك اتيب كىلدى ايسه اول بولدا \* كوب تلاتقان ايل ايدى بير قولدا  
 275 كيچه اوق بورناول اوزغان بولدى \* بولداغى خلقنى بوزغان بولدى  
 مالين الدورغان اولوس حالى تباه \* بارديلار بيكلار يكا تارتيب آه  
 قيل توشورديلار انكا كيم اينك \* كىلدى يغماسينى باشلادى اوزبك  
 بو خبيرنى ايشتيب خسرو شاه \* ديدى جان يغه بيتيب خسرو شاه  
 107a

f 106b

f 107a

اوشول ایل کیم بو بلا کوردیلار \* مونجه تشویش و جفا کوردیلار  
 بخشی اختارسانک الازی ای یار \* سوزکا قابتارسانک الازی ای یار  
 195 کوپراکی شرع سوزین بیلماسلار \* جهل اویقوسیدین آیلماسلار  
 کوپراکی تینکری بولیدا کمره \* کوپراکی دل سیه و نامه سیاه  
 تینکری نینک آتین آغیزغه آلماق \* تینکری قرآنی ساری کوز سالماق  
 الار الیدا بسی عیب ابردی \* کوپراکی کافر و بی رب ابردی  
 ناروا ایش الار الیده روا \* ناسزا سوزکا کوزوب ایلنی سزا  
 200 قایدا کیم بار ابدی بیر بد مذهب \* اندا ابردی اتانیب خوش مذهب  
 استراباددا تورغانلاردین \* بسه ساری داغی قورغانلاردین r 103b  
 موندا ایل جمع اولوب ابردی بسی \* قیلیبان دین ارا هر بیر هوسی  
 بیرسی رفض پسند ایلاب ابدی \* جهل قصرینی بلند ایلاب ابدی  
 یورور ابردی بیرى ملحد اتانیب \* اول اولوس ایچره موحد اتانیب  
 205 بیریکا دین نصیر ابردی هوس \* بیریکا گوشه دیر ابردی هوس  
 علی دین اوزکاتی بیلماسلار ابدی \* جهل جامیدین آیلماسلار ابدی  
 بارجه نینک اغزیده حیدر حیدر \* موتهری<sup>1</sup> اندا ابو بکر و عمر  
 کیمکه عثمان دبدی اولدی اندا \* کیم علی دبدی فوتولدی اندا  
 ایک الازدین علی بیزار ابرور \* خاطری بارجه دین افکار ابرور  
 210 شاه هم اوزی آیتقان بولدی \* سوزیدین جمله عالم تولدی  
 کیم مینک دوستاوغومدین بسیار \* ایل تاموغ ایچره کوپار بولغای زار  
 اول کیشیلارکه دیکاندور اول شاه \* بولوبان حال لاریدین آکاه r 104a  
 بو کیشیلار همیشه ابدی بیلدیم \* شاه سوزیکا فدا جان قیلدیم

1) Можетъ быть? слово непонятное!

شاه پیغمبر آیتقان سوزدین \* جیقماس اوزکا جیقارب سوز اوزدین  
 215 دیسه هم سوزنی موافق ایتور \* سوزینی سوزیکا لایق ایتور  
 شاه ابو بکرکا تعظیم قیلیب \* کوب تواضع ییله آیکا کیلیب  
 دیر ابدی افضل اصحاب انی \* قدوه زمروه احباب انی  
 جون بوروش قیلدی جهاندین صدیق \* الدی خطاب اینک اورنن تحقیق  
 شاه اولوب همدم و همراز انکا \* بارجه ایش کوچ ارا دمساز انکا  
 220 قیلمادی هیچ اینک بیرله خلاف \* توتمادی امریدین اوزینی معاف  
 جون بارور بولدی جهاندین خطاب \* بارجه عثمانغه بیغیلدی اصحاب  
 انکا هم ایلامادی شاه نفاق \* توزدی آتینک بیرله مهر و وفاق  
 تا زمانی که قضا بیستی انکا \* جرخ دین تیغ جفا بیستی انکا r 104b  
 سوردی اندین سونک اولوسقه فرمان \* مصطفی اورنیدا بولدی سلطان  
 225 هیچ قایسیغه مخالف بولماقی \* الار آیامیدین غمدین تولماقی  
 قیلمادی دینی اوچون هیچ نزاع \* بلکه تا قیلدی دنیسه وداع  
 شاه الار بیرله بو نیکلیغ ابدی یار \* غایتش هر نیچه مسخ مردار  
 شاه نینک جانبی دین دشمن اولوب \* بیجهت غصه و غم بیرله تولوب  
 مینک ییل اوتسکان کیشیلار بیرله مدام \* قیرلوشیب اوزنی قیسورلار بدنام  
 230 هر بیرى مفسد آیین وفاق \* هر بیرى کونکلیده مینک بیلغی نفاق  
 نی منافق ایل ایشلار بو ایل \* اوزلارین تا نه دیشلار<sup>1</sup> بو ایل  
 شاه نینک روحی الازدین بیزار \* شاه نینک کونکلی الازدین دربار  
 مونداق ایل بولسلار انداق نی عجب \* اوتقه قارورسالار انداق نی عجب  
 خان جیریکیکا مونونکدیک باغی \* اوجرا آیتسه بولور باغی r 105a

1) Рук. оп. р въ концѣ

- ۱۵۰ کیم یوروب حضرت خان اعظم \* کیسیب اول تاغنی شاد و خرم  
 یوردی ملک حصار اوستیکا \* خلق بی هنک و مدار اوستیکا  
 تاش محالینی بیتکاج الدی \* خصم نینک جانی ارا اوت سالدی  
 سالیب اول ایلکا هزیمت اسرو \* الدیار مال و غنیمت اسرو  
 بوزدیالر طاق مقرسن<sup>۱</sup> بسیار \* آلدیار تاجه و اطلسن<sup>۱</sup> بسیار  
 ۱۵۵ قابی آق رختغه اوردی اوزنی \* اونکاریب هند ایلکا سوزینی  
 قابی دیبای منقش تابتی \* قابی عالی بیله مغرش تابتی  
 قابی خرجین بیله خرجی الدی \* اوزی توشوب آنی اوتغه سالدی r 101b  
 قابیغه اهل بدخشان تیکدی \* قابیغه کوهر رخشان تیکدی  
 قابی آلتونغه اوروندی اندا \* اورونوب ایلکا کوروندی اندا  
 ۱۶۰ قابی در تابتی و قابی کوهر \* قیلدی آراسته تاج و افسر  
 قابی فیروزه بیله مروارید \* تاییان بولدی اولوس ایچره فرید  
 قابی زیلوجه<sup>۱</sup> کرمانی آلیب \* جیقتی ایل آیدا ایکنیکا سالیب  
 قابی تکیدهند شطرنجی \* آلیان کوچتی کونکولدین رنجی  
 قابی یزدی الجه کوب الدی \* جولغابان آنی یوکیکا سالدی  
 ۱۶۵ منزلآبادی و مصری بسیار \* فرا و آق الجه لیل و نهار  
 هری آباغیغه سان بوق ایدی \* قند بیراه کونکول اسرو نوق ایدی  
 شیشه شیشه ساخیلیب ابردی نبات \* کوزه کوزه توکولوب آب حیات  
 قابی دور آب حیات اندا شراب \* کیم اول ایل لارنی قیریب قیلدی خراب r 102a  
 باده سیز بوق ایدی بیر ویرانه \* بارجه ویرانه لاری میخانه  
 ۱۷۰ رندلار مست جیقیب هر باندین \* ییچبر خاندین هم سلطان دین

۱) Хотя рук. даетъ именно это, но чит. атласъ и мурасъ

- بوق الر کونکلیدا ایمان دردی \* بوزلاری اوسنیدا عصیان کردی  
 کوپراکی اوق اوچیدا باردیلار \* کوپی نینک ایچلارینی باردیلار  
 جاغیر ایچکوجی باربله بیخشی \* جیرکیدین دهر اریله بیخشی  
 ایچکوجیلارکا بو بولدی احوال \* کیم بیان ایلادیم ای نیک خصال  
 ۱۷۵ ایدی اینای که نیلار بولدی ینه \* قیلدیالر فالغان اولوسیغه تنه  
 سویدیلار بارجه سینی باشین ابات \* الدیلار بارجه سیدین مال و براغ  
 فوطه و کونکلاک خفتانلارینی \* جبه و جگمن ایله جانلارینی  
 حشر ایلیدیک بارینی عور ایلاب \* قهر ایله جانلاریغه زور ایلاب  
 ۱۸۰ بیرینی نینک بوینیغه بیب تافتی لار \* بیرینی نینک جانیغه اوت یافتی لار r 102b  
 بیرینی نینک اوتینی الدیلار \* زخم لیق بیرلارکا سالدیلار  
 بیرینی باشی جایلدی آیرا \* بیرینی نینک دالموسی جیقتی قاییرا  
 بیرینی نینک بوینی سینیب یازیب ایدی \* بدنی قانغه باری باتیب ایدی  
 کوپراکی کفر ایلیدیک ملت سیز \* کوپراکی هند ایلیدیک سنت سیز  
 قابی قاجیب ایدی ایسی کیلیب اونک \* میر قولی ایلکاری میر قولی سونک  
 ۱۸۵ قابی قیزین تاها المای حیران \* قابی خانونی بیله سرکردان  
 قابی اینی سیدین ابریلغان ایدی \* آه و فریاد و فغان قیلغان ایدی  
 بیریکا آت بیله تبوه غمی \* بیریکا باده بیله میوه غمی  
 بیرینی برماق غمبیدین آه قیلیب \* عمر نینک بولینی کوتاه قیلیب  
 بیرینی آق رختلارین یاد قیلیب \* قراریب کونکلینی ناشاد قیلیب  
 ۱۹۰ قیز انا دیب چکییان واویلاه \* انا قیز دیب قیلییان ناله و آه r 103a  
 نه انا اوغلینی تابتی اولدم \* نه اوغولغه اتادین قالدی غم  
 هر کیشیکا بولوب ابردی حالی \* بار ایدی اسرو غریب احوالی



ایلادی حکم که حمزه سلطان \* یوروسون ایلکاری ایلاب جولان  
 انکا فوشتی جانی بیك سلطانتی \* صفدر صف شکن میداننی  
 حاجی غازی بی ایله قنبر بی \* کیم ابرور هر بیر سرور بی  
 اول ایگاولی هم انکا فوشتی خان \* هر بیر بار ابدی پور داستان  
 110 ایلادی حکم که اتلانغای بات \* نقد و وقت سید احمد فونکرات  
 حمزه سلطانغه باربب قوشولغای \* هیتی دین ایل اولوس قاورولغای  
 انکا پیوسته کوپک قوشچی هم \* کیم ابرور خانغه قدیمی معرم  
 یوروبان ایلکاری ایش قیلونلار \* خصم نینک نی قیلورین بیلسونلار r 99b  
 چون بولار نینک فولینی ایلادی راست \* تینگری نینک لطفینی ایلاب درخواست  
 115 ایلادی حکم که سلطان محمود \* کیم ابرور مظاهر عدل معبود  
 یوروسون ایلکاری دشمن ساری \* تیلاسون نصرت و فضل باری  
 انکا پیوسته تیمور سلطان هم \* یوروسون خصمینی ایلاب درهم  
 اوزی هم بو ایکی سلطان دین سونک \* بو ایکی جان بیله جانان دین سونک  
 یوردی ایلا که ایتیپ بولماس \* یوروشی وصفی دا تیل ایورولماس  
 120 تانکیان قول ایاغینی محکم \* تینگری یادی بیله کونکلی خرم  
 اتلانیب کیلدی خذار اوستیکا \* یوروب اول دشت و دیار اوستیکا  
 اوتوبان باردی اندین دربند \* کیم بیتیلماس ابدی برجینه کند  
 بیر بیسک طاغ ابدی دربند دیکن \* کیم انکا یار ابدی الوند دیکن  
 تینگری فرمانی بیله ایکی تاغ \* قیلیان ایکی سن بیر بیرنی اتاغ r 100a  
 125 باش قوبوب ایگالاسی بیر بیردا \* یوز تومان کوه و کمر هر بیردا  
 هر بیر نینک باشی کردونغه بیتیب \* هر بیر نینک فولی جیخونغه بیتیب  
 قاف نینک تاغی الار الیدا پست \* بولیدا بیر دیکان نینک بیر کف دست

تاشلار بولیدا هر بیر کوهی \* ساکن بادیه اندوهی  
 قراول تاغ نینک اوستیدا عیان \* ایلاکیم کوک اوزه ماه تابان  
 130 بار بو تاغ نینک اوستیدا فلک \* کورونور تام اوزه تون باغان تک  
 بیر یاغاج بار بو ایکی تاغ اراسی \* قابل باغ ارا بولغ اراسی  
 چشمه لار سوبی روان هر پان دین \* تازه راق آب حیات جان دین  
 اول ایکی تاغ نینک اغزیدا جهان \* صنعتی قیلدی عجب طور عیان  
 بیر ایشیک اورناتیب اول ایکی ارا \* اول ارا بیردی اولوسغه مأوا  
 135 مول اولوس کونکلیده بو بار ابرمیش \* کیم فلان تاغ ایشیکی تار ابرمیش r 100b  
 اندین اوز بک نیقیب اوتسکای یارب \* نیتاک اتینی یوروتسکای یارب  
 خلق بوسوز بیله و حضرت خان \* خصم دین قصدی اوچون بولادی روان  
 خصم چون خان خیرینی ثابتی \* کیم که قاج دیدی هوادین قابتی  
 بولادی درمانده جانی بیرله \* کینکاشیب یخشی بهانی بیرله  
 140 فیلدیبار عجزنی ظاهر بارجه \* بو براغ کوردیبار آخر بارجه  
 کیم اوروش نینک سوزینی قویغایار \* اولتوزوب قلعه دا آت سویغایار  
 چون بو سوز اول ارادا ثابتی قرار \* کیم فیلور بولدیبار اول قوم فرار  
 باردی ذوالنون و لطیف بخشی \* سونکیدین ناولک و رعد و تخی  
 بلج دین کیلکان اولوس ابو ساری \* قاجتی لار جان ارا وهم کاری  
 145 قالدی اوز خیلی بیله خسرو شاه \* بارجه روی سیه و موی سیاه  
 بیر اینی سین بیسارور بولادی حصار \* باربب اول خیل بیله تولادی حصار r 101a  
 بنه بیرنی بنه بیر قورغانغه \* بیساربب منتظر ابدی خانغه  
 کیم قاجان کیسه باقینراق قاجقای \* فتح نینک بولینی خانغه آجغای  
 وختن دا اولتوررب ابردی حاصل \* تینگری آئی قیلیب ابردی غافل

جون اینیک بارکھیغه بیتیم \* بیتکاج اوق حضرتیغه عرض اینیم  
حسب حال اوشبوغینه مطلع ایدی \* مطلعیم اوشبو ابکی مصرع ایدی

قیل فدا جانیمنی کر جسم لطفینک خسته دور  
سین سلامت بول که بوز مینک جان سنکا وابسته دور

65

جون بو مطلعنی ابیتی اول شاه \* حالت و دردیدن اولدی آگاه  
ایلادی بنده کا اسرو تحمین \* قیلدی الطاف و عنایتقه قرین  
بیر ابکی کون جو بو سوزدین اونی \* صحت اول دردلارین هورکوتی

f 97b

بیغیلیب ایدی باری سلطانلار \* دنیلار بیرله باری اوغلانلار

70

جیریکلی جمع بولوب ایدی تمام \* خیلدین قرشی تولوب ایدی تمام  
اوشبو حالتدا اینیب کیلدی بیرو \* خصم سوزین اینیب کیلدی بیرو  
سوزی القصد بو کیم خسرو شاه \* بولوبان اوز خطریدین آگاه

جمع اینیب قوندز و بغلان جیریکین \* کیلتوروب کشم و بدخشان جیریکین  
تیلاتیب بارجه حصار اهلینی \* بیغدی اول ملک و دیار اهلینی

75

ولی بیکنی تیلاتیب ختالاندین \* جیریکین بیغدی تیلاب هر یاندین  
بیر ولی بیرله بیغیلدی باقی \* رزم بزمیدا بولای دیب ساقی

تورت آغا اینی جمع اولدیلار \* لیک اندوه بیله تولدیلار  
الدیلار ابرسه جیریک نینک سانین \* نوکتی لار ابرسه اولوس نینک قانین

کیددی دفترکا کیشی اوتوز مینک \* لیک هر بیریدا قایغو بوز مینک  
کیم نیتیب اوزبک ایله سانجیشالی \* نی قیلیب کیستن ایله یانجیشالی

f 98a

80

جون آغا اینی بیله خسرو شاه \* توردی اول نوع ایله خیل و سپاه  
یوراکین توخته تا السای مسکین \* آغا اینی سی بیله بس غمکین

مشورت ایلادیلار تورتالاسی \* فکرینی سیلادیلار تورتالاسی

دیدیبلار کیم اوروشه العاس بیز \* خان فولیغه توروشه العاس بیز  
قول ایدیبلار باری نی قیلسونلار \* شاه نینک آلیغه نی کیلسونلار

85

بو کینکاش بیرله یوروب اول تورتاو \* بولدیبلار هر بیر ییر غمکا کرو  
بولدی اول نورت ایشی رم قیلماق \* چارقل اوزلاریکا دم قیلماق

هیچ کم لیق بوق ایدی اشکردین \* مال ایله مملکت و کشوردین  
ایک تینکری سالیب ایدی قورقونج \* جانلارینی الیب ایدی قورقونج

90

عاقبت فکر قیلیب بیدلار \* فکری وادسی ارا جاهلار  
بیاریب بلخ ساری عجز و نیاز \* شاهیغه سوز بیاریب دور ودرار

f 98b

تیلادی کومکی اسرو قالین \* هر بیر ییر اوز ایشیدا اوت بالین  
ینده بیر ایلیجی خراسان ساری \* بیاریب ایلادیبلار کوب زاری

باختار ساری هم ایلیجی بیاریب \* کیلتوروب انداغی ابنتی ایکیاریب  
بلخدین کیلدی عمر بیک باشلاب \* جیریک نینک براماسین تاشلاب

95

تورت مینک بلخ جیریک ایدی \* جون اوزی نینک کیشین آیدی  
هریدین کیلدی لطیف بخشی \* سوز اونی بخشیلار ابحره بخشی

ایکی مینک ترک عراقی بیرله \* التی مینک جاغلی بساقی بیرله  
باختردین تقی ذو النون کیلدی \* سرکش فرقه ارغون کیلدی

کیلدی بیش مینک کیشی اینک بیله هم \* بولدیبلار بارجه سی یار وهمد  
کیلکوجی جون بوخبرلارنی دیدی \* اندا کورکان کر و فرلارنی دیدی

100

مونداق آوازه و بو طور خبیر \* قیلدی ایل کونکلیکا فی الجملة اثر  
لیک اول حال بیله حضرت خان \* کیم فکر ایدی انکا جسم ایله جان

f 99a

تسیده بار ایدی آزار هنوز \* بار ایدی قوالری افکار هنوز  
تیکیلیب تینکریسیکا بی پروا \* یوروب اتلاندی تیلاب فضل خدا

105

غایتش خلق انی بیلماسلار \* جان بیله خدمتیکا کیلماسلار  
 بولمسه ایردی سلیمان اولخان \* فقرین ایلارمو ایدی موچه نهان  
 سلطنت فقر بیله کم تایلور \* شاهغه فقر ایشیکی کم آجیلور  
 30 صیم که بو مرتبه اوزره بیستی \* سلطنت بیرله انی جمع ابستی  
 دیسه بولور آتی خان دوران \* بلکه دوراندا سلیمان زمان  
 بو حکایت که بیئیب آهسته \* ایلادیم عرض من دلخسته  
 ۱۹۵b کیشی بیلماس مونی خاندین اوزکا \* کم توشونور کیشی موندان سوزکا  
 بنده نینک سوزلاریکا خان توشونور \* قوش تیلیدور بو سلیمان توشونور  
 35 سوز اوزون بولدی کیلای سوز باشیغه \* ایش فزون بولدی کیلای سوز باشیغه  
 چون کدر توشتی شه عادلغه \* فرشیدین کسبی دیکان منزلیکا  
 جرخ حاسدغه مددکار اولدی \* اختر نفس انکا یار اولدی  
 خان جایب قوش سالانورغان همنکام \* بیقیلیب آتی قراردی ایام  
 خان توشوب بیرکا تنی بولدی فکار \* نازنین جسیغه بیستی آزار  
 40 تن و جانی باری افکار اولدی \* ایل ایاغی باری ناکار اولدی  
 مدتی خان قولی آزرده ایدی \* خلق نینک خاطر افسرده ایدی  
 بولدیلار بیکلاری بیحال اسرو \* رنج و غم بولیدا پامال اسرو  
 باردیلار اوزلاریدین مسکینلار \* نوزدیلار ناله نی مهرآیینلار  
 ۱۹۶a کویدی بو غم بیله سلطان محمود \* بیستی کردونغه فغانیدین دود  
 45 بولدی بسیار پریشان خاطر \* بولغوجه خان ایشیکیکا حاضر  
 آتی کورکونجه سلامت حاصل \* لحظه بوق ایدی غمدین غافل  
 اول محلدا که قیلیب توسن لیق \* خانغه کورکوزدی فلک دشمن لیق  
 شعرلار دیدی اوز احوالیغه \* بس مناسب اوزی نینک حالیه

درمندانه و دلکش بارجه \* قابل نغمه زلیکش بارجه  
 50 بیرى اول شعرلاریدین بودور \* کورونکیز کیم نی بلا خوشکودور  
 حضرت امام الزمان و خلیفه الرحمن نینک درمندانه لیق حالیدا ایقان  
 ایاتی دور

درد غم بیجاره کونکلوم ساری آقیلدی بنه  
 مینی کوروب عشق اوتی باشتین بنه کیلدی بنه  
 ۱۹۶b غنچه دیک کونکلوم غم هجرانیدین فان باغلادی  
 مژده وصلین ایشیتیب کونکلوم آجیلدی بنه  
 هجر اوتیندا ناتوان جسمیم فراقینک کیجیسی  
 شمعدیک باشتین ایاق فرقتدا یاقیلدی بنه  
 کینز) ایردیم عشقینی ایلدین و لیکن نیلایین  
 حالتیم مجنون کیسی عالمغه باییلدی بنه  
 55 فرقت آتیدین بیقیلدم یار کیلدی سورغالی

ای شبانی یار دردینکغه دوا قیلدی بنه  
 بنده اول وقت بخارادا ایدیم \* بوق که صحرای تمنادا ایدیم  
 کیم کیلیب فرشیغه خانی کورسام \* اول سلیمان زمانی کورسام  
 بو تمنا بیله چون آنلاندم \* تون قانیب بیر ایکی کون قاتلاندم  
 ۱۹۷a کسبسی کا بیئیم ایسه انداغی لار \* یعنی اول منزل و مسکن داغی لار  
 60 دیدیلار صورت حالینی منکا \* کیم نی ایش ایلادی بو جرخ انکا  
 بو حکایتنی ایشینکاج بسیار \* خاطریم قایغودین اولدی افکار  
 حسب حالی ایتیب حضرتیغه \* اسرو تعجیل ایله باردیم قانیغه

1) Рук. 2) Чинт. شعرلایدین

قراقوش ملكيكاجه جابنوردى \* تركمان ابولاريني تابنوردى  
 تركمان قيزلاريني الديلار \* عيش نينك كوسالاريني جالديلار  
 قراقوش كشوربدن تا خوارزم \* الديلار بارجه سيني ايلاب رزم  
 35 يانيب اندين اليان مال و براغ \* توشوروب قولبغه اسباب فراغ  
 قباب اولتورماق بولدى سلطان \* كيم بيتيب كيلدى خاندين فرمان  
 كيم بيغيلدى بو طرف باغى لار \* بولديلار جمع بارى باغيلار  
 ايمدى سلطان بتيشه كيلسون بات \* بير زمان ايلاماسون صبر و ثبات  
 اوشبو بريغ ييله سلطان حاصل \* بولدى ابو سارى يئازغه مايل  
 40 ايكي قورغانتى ايب عزم ايتى \* عزم ايتيب راست بخارا بيتى  
 چيريكى ساغ سلامت بارجه \* رزم ايلاردا قيامت بارجه

XLVII.

حضرت امام الزمان و خليفه الرحمن مظفر الدين  
 سلطان محمود بهادرني اوزيكا قوشوب حصار ولايتيغه  
 خسرو شاه اوستيكا بارغانى و خسرو شاهنى قاجوروب  
 ولايت لاريدن مال الغانى و خانيكه خان بييله الجه  
 خان نينك الا بولغانيني معلوم قيليب اندين  
 مراجعت قيلغانى

خانغه جون باردى خبر سلطاندين \* كيم بيتيب كيلدى فلان قورغاندين  
 خان شيبانى چشيدسرير \* شاه نورانى خورشيدضمير  
 اتلانور بولدى حصار اوستيكا \* انداغى ملك و ديار اوستيكا  
 بيساريب حكمنى سلطانلارغه \* بريغين تابع فرمانلارغه

5 اتلانيب قرشيغه عازم بولدى \* ظفر اليدا ملازم بولدى  
 جمع بولغونجه چيريك هر ياندين \* كيلكوجى بارغوجى هر سلطاندين  
 ايريكيب قرشيني اولار بولدى \* قوش بييله هر سارى هاوار بولدى  
 قرش نينك قوشلارى بيار بولور \* قوشچى نينك طعمه سى طيار بولور  
 تورنه و قاز فراوان اسرو \* جانور اندا نمايان اسرو  
 10 قيرغاول باغالرده سانسيز \* قورچيغاي نينك ساغيش دبن جانسيز  
 توزيدا باغرى قرالار بيار \* بر باغيرلاب يوروماكدين افكار  
 15 مرغك قرشى اوجون هر سارى \* صيدكر ايلكيدن ايلاب زارى  
 قورى و بلبلى نالان ايردى \* بير بير اوز ايشيدا حيران ايردى  
 صعوهلار بارجهلارى زار و ضعيف \* مين كيىسى درد وغم ايلكيدا نجيف  
 هر نيمچوك قوش كه بولور دوراندا \* ظاهرار بار ايدى بارجه اندا  
 كيم سليمان زمان اندا ايدى \* يعنى كيم حضرت خان اندا ايدى  
 قايدا كيم بولسه سليمان ناچار \* وحش ايله طير بولورلار بيار  
 هدهد اول تيكرادين اصلا كيتماس \* هيچ تورلوك سور ايله قايتماس  
 بولور اول تيكرادا هر تورلوك قوش \* ياسابان بارجه اوشول بيردا قوش  
 20 كچك ايله طوطى شگرخا هم \* بلكه سيمبرغ ايله عنقا هم  
 هر سارى بارسه ايدى حضرت خان \* يوروب انداق كه سليمان زمان  
 قوشلارى اوستيكا كيلورلار ايدى \* باشيغه سايه فيلورلار ايردى  
 25 ني عجب خانى سليمان ديكتيم \* بارى عالمغه انى خان ديكتيم  
 كيم انينك حكيمدا دوروحش ايله طير \* هم انينك ايلكيدادور شر بييله خير  
 كيم انينك امريدا دور دبو و پرى \* حكيمدا بير يوزى نينك خشك وترى  
 خان سليمان زماندور بيشك \* خسرو عالم جاندور بيشك

کيله دور ابرميش انکا ذوالنون هم \* انکا همراه نيمچه ارغون هم ۲۹۱b  
 باقي قرخان داغي اول بردا ايميش \* سيز تورونک کورالی تينکری نى ديميش  
 قلسانکيز حکم بو بان مين باراين \* کات و خوارزم نى بير اختاراين  
 خانغه سلطان سوزى توشى معقول \* قىلدى سلطان تقى حکمى قبول  
 بولدى اول خان جهاندين فرمان \* کيم روان اتلانہ تورسون سلطان 20  
 خان سوزى بيرله تىلاب فضل ودود \* اتلانور بولدى سلطان محمود  
 بولدى خان برليغى کيم اوشبو دم \* همره اولسون جاني بيک سلطان هم  
 انکا فونکرات هم اولسون همراه \* کيم ابرور رزم ايشيدىن آکاه  
 خان اوزى ياندى سمرقند سارى \* آيدا اهل سمرقند بارى

XLVI.

مظفرالدين سلطان محمود بهادر خوارزم سارى توجه  
 قيلغانى

توى خوارزم بولمى سلطان \* چيکيان رزم قىلورغه فرمان  
 اون قونوب کات دىکائکا يىنى \* قلعهسى آيدا ماوا ايتى ۲۹۲a  
 کات خلقى ايشيب سلطانى \* چيکتى لار آيدا نقد جاني  
 قىليب اول قلعه ايلينى راضى \* چيقتى لار مفتى و شيخ و قاضى  
 قالدى داروغه ايجيندا حيران \* بولدى اوزى ايشيدا سرکردان 5  
 چيقيب اولداغى ايلنگا توشنى \* شاهينک ايناسيکا باپوشنى  
 ديدى سلطانکه نيدور ايمدى خبر \* آيتينکيز کيم قىلالى بات گذر  
 ديديلار شيخ نظر قىلدى نفاق \* توزدى بهبود ايله آيين نفاق  
 چين صوفى نى تىلانيب کيلتوردى \* آنى اوزيکا مناسب كوردى

1) Успай гонимды, но къ чему?

چين صوفى بار اداق بيکلار بدين \* بهلوان راق اداق ايجره باريدىن  
 ايمدن خوارزم الار قولىده دور \* کيم بيلور کيم نى الار بولىده دور  
 اوزى بهبود ابرور خسيوه ارا \* اولتورور ناز ييله مسيوه ارا ۲۹۲b  
 بو خبرنى ايشيب اول سلطان \* اتلانور بولدى قىليب عزم روان  
 کات ارا بوزجه کيشينى سالدى \* قولغه ائينک چيرىکين هم الدى  
 بير قونوب قىلدى وطن بولدوم ساز \* بافتى اول ايل داغى ايلاب اعزاز 15  
 اوتوبان يىتى اندين خوارزم \* چيرىكى ايلادکودىک باريسى رزم  
 چين صوفى خود ايشيب سلطانى \* قاجوراي دىکان ايکساندوربىنى  
 ليک خوارزم ايجيدا نيمچه يمان \* شيخ نظر بيرله قىليب عهد و امان  
 قلعهنى بيرکيتور اولغاندورلار \* بارجهسى جهل ايله تورغاندورلار  
 چون خبر تابتى بو ايشدين سلطان \* قىلدى فى الحال اوروشقه فرمان 20  
 چيقتى خوارزم ايلي اسرو قالين \* چين صوفى دىک باريسى اوت و بالين  
 کوب اوروش ايلادىلار ليک آخر \* فتح سلطان سالدى بولدى ظاهر  
 بولدى خوارزم ايلي بارجه مغلوب \* ياندىلار قلعه لاريغه منکوب  
 ترکماندين داغى کوب اولدى کيشى \* کيشى اولتورماک ايدى اوزىک ايشى ۲۹۳a  
 ينه بير نوبت اوروش قىلدىلار \* قلعه دىن خلق چيقيب کىلدىلار 25  
 اندا هم بولدىلار اسرو عاجز \* بولماغاي هيچکم انداق هرکر  
 تانکلاسى قهر قىليب سلطانغه \* بوروبان سالدى اوروش قورغانغه  
 بولدى اول کون داغى بسيار اوروش \* بولدى بسيار دل آزار اوروش  
 ايجکاري تاشقارى کوب ايل اولدى \* قلعهسى وهم ايله محکم اولدى  
 اندا هم بولدى بسى خلق تلف \* بولدى ايل ناوک محتغه هدف 30  
 ساليبان قلعهنى سلطان کبير \* ايلادى جلوکهيبن تحت وزير



حضرت امام الزمان و خليفه الرحمن تابوغيدها خانىكە  
خان نينك درد دل قياغانى و نياز يوزيدىن بيتىكان  
سوزلارى

سوزى بو كيم خان اغام حضرتيدا \* بنده بىك بيرله دعا خدمتيدا  
حضرتيدا سوزوم اولسون معلوم \* خدمتيدا سوزوم اولسون معلوم  
مين ازادىن سنكا خدمتى مين \* هر ايشىنكا بىه همتى مين  
سين كىرىب الغالى تركستانى \* مين امامادىم سىندىن جانى  
قلعه آوردا سنكا يار اولدوم \* اوروش ايلاركا مددكار اولدوم 5  
ايدى كيم توشنى سمرقند سنكا \* نظرىنك توشمادى بير وقت منكا  
خدمتىنى اونوتوب سين كويا \* اوركاچه رسم توتوب سين كويا  
ايدى هم بولسه مېنى اونوتمه \* باتلىق رسمىنى اوترو تونمه  
بابر اوجون غضب اتمه ظاهر \* كيم انىنك ايشى بولونور آخر  
كر انكا بنده مددكار اولدوم \* بىان ايل سوزى بيرله يار اولدوم 10  
يىلمادىم يىلماسىمه بولمه مېنىك \* كه بغابت كىرىنك بار سنينك  
مېنى درمانده قىلىب تور تىبل \* مېنى بىجاره يىلىب تور تىبل  
سين مېنىك بيرله اكر صلح ايتسانك \* يا حصار اوستىكا بارىب ييتسانك  
مين آتىمىنى بىبارىب كىلتورايىن \* تىبل اوستىكا بيتىيان تورايىن  
جمع توت سين بو طرفدىن خاطر \* كيم خلاف اولماغوسىدور ظاهر 15  
خان سمرقند بىتار ساعتدا \* تختيدا منزل ايتار ساعتدا 5  
يىنى خانىكە دىن اوشبو مەكتوب \* خان داغى ايجىسىنى كوردى خوب

حضرت امام الزمان و خليفه الرحمن خانىكە خان درد  
دلىكار هم قىلىب يار اشقانى و سمرقند دىن بخاراغه كىلىب  
كعبه سىن طواف قىلىب بخارا جىرىكى بيرله مظفر الدىن  
سلطان محمودنى خوارزم ولايتى نينك فتحى اوجون  
يىباركانى

خانىكە خان بيرله جون قىلدى براش \* قىلدى خان كعبه طوافىنى تلاش  
يعنى كيم كىلدى بخارا سارى \* اناسىن كوركالى ظل بارى  
كىلدى و كعبه سىنى قىلدى طواف \* قىلدىلار بنده لىكىنى اشراف  
اول بخارادا ايدى كيم ناكاه \* كىلدى بير اوزبك و دىدى اى شاه  
سنكا خوارزم اىلى طالب دور \* بىكېنكا وهم بىى غالب دور 5  
كېرجه بىكى نينك آنى دور بهبود \* لىك ايل اندىن ايباستور خشود  
نوكرى بيرله اىلى بكدل ايباس \* هىچكىم حاصل انكا مابل ايباس  
خان بوسوزنى ايشىن بىلادى حزم \* كيم مناسب دور اوشول سارى عزم  
دىدى خوارزم قولومغه كىرسه \* تىنكرى اول ملكنى منكا بىرسه  
اوزبك اىلى آقلىب كىلكوسىدور \* اوت يالين دىك جاقىلىب كىلكوسىدور 10  
لشكرىم بولمغوسى بىسجد و قىاس \* دنىمانىنك آورىغە بولموم اساس  
خان بو سوزى دىدى اما سلطان \* دىدى بىخى ساغىش ايلابنور خان  
ايك بو سارى باقىن دور پاغى \* سوزلارى بار كونسول نينك داغى  
بلخدا شاه زمان دىكان بار \* بلخ نينك اهلى انكا خدمتكار  
تومذ اوستىده ابرور خسرو شاه \* ابرده كىچه ايشىمىزدىن آكاه 15

قلعه تامی بیبک انداق که فلک \* اوستیدا بیر نیجه نادان مردک  
 25 ساغینورلار ایدی کیم بو قورغان \* بار فلک حصنی کیسی دار الامان  
 غافل اندین که فلک نی قیلغای \* قلعه ایشیکی نیناک آجیلغای  
 اول جماعغه بو نوع ایدی خیال \* کیم انکا بولغوسی بوق هیچ زوال  
 قلعه نینک ایچیدا اولتوردیلار \* تاشقاری خان چیریکین کوردیلار  
 30 دیبادیلار که چیریکتور بابوق \* هر نیجه کیم چیریک اولتوردی یاووق  
 خان کیلیب جون قباب اولتوردی انی \* ایلاکیم باردور ایدی کوردی آنی  
 ۲ 88۸ یدلدی کیم الماغی ابرور دشوار \* اوروش ایتماک انکا مشکل بسیار  
 دیدی اولتورماق ایله الهه بولور \* مونکا کوب وقت خلل سالسه بولور  
 دیبادی هیچ بوروش نینک سوزینی \* هیچ ککینورمادی انکا اوزینی  
 35 دیدی اشلیقلارینی ضایع اینینک \* قایداکیم آت و قویسی بار بیتینک  
 اشلیغی نینک کوکینی بیدورونکیز \* قولغه تاشقی مالینی کیورونکیز  
 حالیا اوشبو قدر ایش قیلالی \* ینه اشلیق بیشیندا کیلالی  
 اوشبو برلیغ بیله بیش کون لشکر \* ایلادی تیکراسینی زیر و زهر  
 اشلیغینی بیدوروب باندیلار \* قولغه مالین کیوروب باندیلار  
 40 ینه خان کیلدی سمرقند ارا \* بارجه عالم ارا اندین غوغا  
 اشلیق اوستیکا ینه اتلاندی \* اوراتیبه ایشیکا قاتلاندی  
 پانجیب اشلیغی اور بولدی چیریک \* یورت اول برکا سالور بولدی چیریک  
 ۲ 88۹ تاشقاری اشلیغی بولغاج پامال \* ایچکاری بولدی رعیت بدحال  
 بولدی میرزالاری هم اسرو ملول \* خاطاری بولدی بغایت مشغول  
 45 صلح نینک سوزین ارغه سالدی \* صلح ایشینی اوزیکا الدی  
 ایلادی عرض سوزین سلطانغه \* دیدی سوزومنی آیتینک خانغه

اولتوروتور بو ساری خسرو شاه \* بی هنر قول دور و اسرو بی راه  
 اول ساری بار تیمور اوغلی بسیار \* بارجه جرات سیز و بی هنک و مدار  
 سیز ابکاو بیر اتانینک اوغلی سیز \* سیز ایکاوکا قراجی بیزلار بیز  
 50 سیز بیزینک خان بیله صلح ایلانک ساز \* ایلانکیز رسم محبت آغاز  
 من ارادا نوراین جان بیزلا \* سیزنی یاروشتوراین خان بیزلا  
 جون بو سوزلارنی ایشینی سلطان \* خانغه جون دیدی قبول ایلادی خان  
 خان رضا بولغاج اینینک سوزیکا \* دیب بیباردیلار اینینک اوزیکا  
 ۲ 89۸ جون رضا انکلادی میرزاه فقیر \* قیلدی سلطان بولمغه اوزنی اسیر  
 55 جیقتی و کوردی اوزی سلطانی \* لیک وهم ابنی کورارکا خانی  
 پیشکش ایلادی آتلار بسیار \* بارجه سی بوکروک و بارجه رهوار  
 اوشبو ساعت بیرو ابتی آگاه \* کیم خذار اوستیدادور خسرو شاه  
 خانیکه خان بیله سوزی بوردور \* بارجه عالمغه سوزی ظاهر دور  
 جون مونی انکلادی خان پردل \* کوپراک اول صلحغه بولدی مایل  
 60 کوچوب اوراتیبه دین خان زمان \* صلح نامه بیتیان قیلدی روان  
 صلح نامه آنی قیلغاج خرم \* باردی اوراتیبه میرزاسی هم  
 خانیکه خان قدمیغه بیستی \* صلح نینک سوزلارینی آییستی  
 صلحغه ایلادی ترغیب بسی \* یخشی سوز ایلادی ترتیب بسی  
 دیدی تنبل سنکا بیر نوگردور \* حالیا اوز باشیغه سروردور  
 65 اندجان ملکیدا حاکم دور اوزی \* یاییلیب تور باری عالمغه سوزی  
 ۲ 89۹ ایلیمیزنی چابله تور پیوسته \* بیزنی عاجز تابه دور پیوسته  
 خان اغانک بیرله یاراشانک فی الحال \* بات تنبلنی فیلور بیز پامال  
 نوشتی بو سوز باری ایلکا معقول \* قیلدیلار سوزلارینی بارجه قبول

۶۰ خصم جون جيقمادی قیلدی فرمان \* کیم بانیب قواغه قوشولسون سلطان  
 حکم ایله حضرت سلطان محمود \* کیلدی و قیلدی چیریکنی خشنود  
 مال عالمی الیمان کیلدی \* بارجه ایلنی منمول قیلدی  
 ۶۵ ۲۸۶۸ ینه بیر کون اول ارا توردیبار \* خصم کیلکای دیبان اولنوردیلار  
 خصم جون جیقمادی بولدی ناچار \* بانماق اول بیردین ایتیب عزم دیار  
 جون چیریک نینک یناری جزم اولدی \* خان شیانیغه بو عزم اولدی  
 کیم ینه سرنی اوتوبان لشکر \* اشلیق الغای تیوه سیغه یکسر  
 ۶۵ ینه خان ایلاکاج اول نوع خیال \* ینه سر بولدی چیریکیکا پامال  
 مول کینت اوستیکا بول سالدیلار \* بولغان اشلیق لارینی آلدیلار  
 کونکول اشلیق ساربدین جمع اولدی \* مول کینت ایللی ولی ساورولدی  
 خان کوجوب باندی سمرقند ساری \* خرم و شاد چیریک اهلی باری  
 کیلدی خان تختیدا توتتی آرام \* ایلادی عیش سریرینی مقام  
 ۷۰ هر کیم اوز منزلیدا تابنی قرار \* قابو کوفین و قابو باردی بخار  
 فصل دی اوتکوجه ایل تیندیبار \* بارجه قیشلاقلاریغه ایندیبار

## XLIII.

۲۸۶۹ حضرت امام الزمان و خلیفه الرحمن مغول اوستیکا  
 باریب اوراتیبه قورغانیدا محمد حسین میرزانی قباغانی  
 و اول یالباریب صلح تیلغانی

باز آجیلغاج ینه خان دوران \* ایلادی لشکر ایلیکا فرمان  
 کیم اوراتیبه کا جمع اولدیبار \* دشت سابات ارا اولتورسونلار  
 ینه لشکر باری جمع اولدی بات \* تولدی خان لشکر بدین دشت سابات

۵ سبزه اوستیدا باییلدی لشکر \* آق جیجاک ینکلیغ آجیلدی جادر  
 شامیانه کوروب انداق صحرا \* یاز بلیب ایلادی کوب کسب هوا  
 اسرو زیبا بولوب ابردی اول دشت \* قابل سیر ابدی و کلکشت  
 کلی بسیار ابدی و سبزه سی جوق \* هیچ بیکنانه اوتی اصلا بوق  
 لاه سبزه یوزیدا رنگ برنگ \* لاه اوستیدا باری تازه ائنگ  
 لاه اوستیدا تیکیب جادرلار \* فیلدیلار عیش پری پیکرلار  
 ۱۰ خان و سلطان کوروب اول صحرائی \* کوردیلار بزمنه لایق آتی  
 ۲۸۷۸ فیلدیلار بیر نیجه منزل اندا \* توزدیبار بیر نیجه محفل اندا  
 ایچیلار بال فراغی بیله بال \* بالدین ساغر ایتیب مالامال  
 حاصل اول پادشه دین پرور \* عیش و عشرت بیله جیکتی لشکر  
 بتنی اوراتیبه قورغانیغه \* اوت سالیب حاکی نینک جانیغه  
 ۱۵ حاکی بار ابدی بیر میرزایی \* حصن اربابی ارا رعناپی  
 خانیکه خانغه کویاویق قیلغان \* کل کیسی مجلسیدا آجیلغان  
 قوم نینک آتی مصولدا اوغلات \* اوزبک ایچیندا قرین فونکرات  
 آتیدین کیم تولوب ابردی کونین \* متصل ابردی محمدغه حسین  
 ایکی مینک جه نوکری بار ابردی \* کیم باری جابک و جرار ابردی  
 ۲۰ قلعه سی بار ابدی اسرو محکم \* برج و بارولاری بی) مستحکم  
 ۲۸۷۹ خندقین بیتکوروب ابردی سوغه \* هیچ بیر قوباب ابدی شاطوغه  
 کیم بیتا السون انکا شاطو بیله \* که گرفتار ابدی عالم سو بیله  
 ایکی خندق بار ابدی اوشموندان \* کیم کوروبتور بسه موندان خندق  
 تیکراسیدا تقی جرار بسیار \* اوروشور برلاری بس ناهموار

حاجی غازی تقی بولدی همراه \* مغول ایلین قیلاین دیدی تمناه  
 15 جانوفا داغی بوروب اتانلندی \* مغول اولتورماک اوجون قانلانندی  
 بولدی قنبر هم الارغه همپا \* تیلادی مرحمت و لطف خدا  
 اتلانیب شیخ مرید پردل \* بولدی اول هم بو بوروشکا مایل  
 ۲۸۴۹ باردبلار بارجهسی سلطان بیرله \* بنده لیک ایلابدلار جان بیرله  
 التی مینکجه کیشی جیقتی فولدین \* بعضی اونکدین و بعضی سولدین  
 20 بارجهسی پردل و رزم آور و جست \* رزم اوجون بارجهسی نینک ییلاری راست  
 بارجه قوش آتلیق و بارجه جبار \* بارجه نینک بارجه براغی طیار  
 جیه دین اتلاری بارجه بوکلوک \* ایچ و تاش تونلاری بارجه توکلوک  
 قابی نینک تونی ایدی الطایی \* اول قیزیر ابردی بوروکان سابی  
 قابی سوسار قیلیب ابردی لباس \* وقتغه لایق اینیب ابردی اساس  
 25 قابی تولکی بیله خرسند ابردی \* تولکیکا طالب پیوند ابردی  
 کونکلاک اورنیدا ایدی آس و تبین \* بو ارادا من الاردین نیتاین  
 ساوق انداق ایدی کیم بخشی بمان \* بار ایدیلار باری اندین تالان  
 ۲۸۴b کرجه اوزیک اولوسی دشت ارا \* اوسوبان توتتی لار اندا ماوا  
 دشت ساووق لارینی کوردبلار \* اول هولاردا جیداب توردبلار  
 30 دیدیلار ایلابان انصاف اظهار \* بو ساووق دشت ساووقی چه بار  
 اول ساووقدین تاباین دیکان امان \* زخمیدین قونقارین دیکان جان  
 تارتیب ایدی تیزیکا توکلوک ایشیم \* اینور ابردی بو ابرور بخشی ایشیم  
 ایچیدین تولکیکا جولغانیب ایدی \* تنی تولکی ارا تولغانیب ایدی  
 تاشدین هم کییب ابردی بنه پیر \* تابماین دیب بو هولادین تغییر  
 35 باشیدا بار ایدی کیشلیک قلیاق \* جوهوروبان باپورب ابردی قولاق

اول فیش اسرو ساووق ابردی اما \* یوق ایدی هیچ الارغه پروا  
 کیشکا باتیب ایدیلار سلطانلار \* معدلت جسمی ایچیندا جانلار  
 شمع بنگلیغ ایدی سلطان محمود \* باشیده کیش نی بنگلیغ کیم دود  
 ۲۸۵a شاه تیمور کیش ایچیندا هیهات \* بار ایدی ظلمت ارا اب حیات  
 40 قراجی لار تقی کیش تون ارا غرق \* بارجه آسوده قدمدین تا فرق  
 بو براق بیرله ییتیشتی لشکر \* سر بوین ایلابدلار تونله مقر  
 ساووق ایلاب ابردی سرکا تاثیر \* تونکوب ابردی ناپا المای تدبیر  
 تاش کیسی موزلاب ایدی اول دریا \* یوق ایدی هیچ نم اندا اصلا  
 سرنی اول نوع کوروبان سلطان \* اتلانیب سرنی کیچار بولدی روان  
 45 بوروکاچ حضرت سلطان فی الحال \* قیلدیلار سرنی خلاق پامال  
 هیچکیم جیقمادی اول قورغاندین \* قیلدیلار وهم بسی سلطاندین  
 دشت و وادیغه یایلدی لشکر \* مال تحصیلنی قیلدی لشکر  
 شهرخیه مغولین جابنتی لار \* شهرخی اسرو قالین تابنتی لار  
 الدیلار مال فراوان اندا \* بولدی کوب مال نمایان اندا  
 50 قیردیلا خیل مغولنی بسیار \* جانلاریغه تیکوروبان آزار  
 ایزی کون جابنتی لار اول کشورنی \* رنجغه سابتی لار اول کشورنی  
 باردی خانیکه دیکان خانغه خبر \* کیم ییتیشدی بو طرفدین لشکر  
 خانیکه خان بو خبردین مسکین \* بولدی بیچاره و اسرو غمکین  
 مستلیق اویغوسیدین آیلدی \* ییکلاری بیرله کینکاشلار قیلدی  
 55 مصلحت کورمادیلار اتلانورین \* اتلانیب رزم اوجون قانلانورین  
 اول کینکاشدا ولی شیانی خان \* اینی سنینک سونکیدین کیلدی روان  
 سر یقاسیغه توشوب اولتوردی \* خصم ایله رزم مناسب کوردی

هر سبب بیره خدای جبار \* آبریب مال لارین ایلادی زار  
 عاقبت فیلدی بوینکلیغ بارین \* ایلادی قدرت قهر اظهارین f 82a

35 حضرت خان شبانی اسرو \* رحم ایله کیلدی اول ایلکا اوترو  
 لیک تینگری قیلیب انداق تقدیر \* فیلدی اول قوم بیانی هر بیر  
 هر بیرین ایلادی بیر بیرکا هلاک \* نه کفن تابنی نه تابوت نه خاک  
 اولوکیکا کیشی قیلماي اعزاز \* قیلماي هیچ عزیز انکا نماز  
 چون تیریکلیدا نمازی یوق ایدی \* شمع دیک سوز و کدازی یوق ایدی  
 اولوکیدا نی کیراک انکا نماز \* انداق اولکانکا نی حاجت اعزاز 40

قیش ایدی قحط و اولات اوشبو طور \* اول قیش اول طور ایله ایلانندی دور  
 قیستاندی اول قیش اولوسنی اسرو \* کیلدی آج و بالانکساجغه اوترو  
 اول بیر نیجه باغدی بامغور \* نامدی کولک نینک یاشی مولدور مولدور  
 بودی اول قحط ارا اولکانلارنی \* شهر ارا ابو ایللی بولکانلارنی

45 یاغدی بامغور سونکی دین موئجه فار \* کیم اولوکلرکا قیلیب مهر اظهار f 82b  
 بارچدسین کومدی و فیلدی پنهان \* ایل کوز بدین کیم ابرور ایدی یمان  
 چون اوشول قار الارنی یابتی \* شهر فی الجملة صفایی تابتی  
 قاردین سونکرا هوا بولدی ساووق \* بودی اولماککا تیریک داغی باووق  
 قطرو موزلاماغان قالمادی سو \* موزلادی شهر سمرقند اسرو  
 ایلکا ییلدوردی سمرقندلیغین \* ساووق و قار ایله خرسندلیغین 50

اوتقه بازار بسی کرم اولدی \* اول زمان دور انکا ایروادی  
 بولدی معمور بسی کلخانلار \* تیره کلخانلار ایدی کلخانلار  
 فالغان اریاب سمرقند تمام \* بولدیلار ساکن کنج حمام  
 سارتلار اسرو زبون بولدیلار \* دود ایله غایله کون بولدیلار

55 قیلدیلار اوتقه پرستش بسیار \* قیلدیلار هاریدغه میل اظهار  
 چون ساووقدین باری افکار ایدیلار \* دوزخ اوتیغه طلبکار ایدیلار f 83a  
 اوت هم انجه ایماس ایردی ایسیغ \* یوق ایدی انجه هم اندین آسیغ  
 اول داغی مس کیسی بار ایردی اوسوب \* اوجاق آیدا ساووقدین بوروشوب

XLII.

امام الزمان خلیفه الرحمن سمرقند الغان ییل نینک  
 قیشیندا مغول اوستیکا جیریک تار تیب خانیکه خان نینک  
 ولایت لارین شهر خیهنی جابتورغانی

اوشمونونکدیک قیش ایچیندا اولخان \* فیلدی بارجه اولوسیغه فرمان  
 کیم سمرقندغه کیلسونلار بات \* قوبوبان شیوه ارام و ثبات  
 خاندین اول بارلیغ ایشینکاج لشکر \* هر نیجک بولسه بیغیلدی بکسر  
 لشگری چون بیغیلیب کیلدی تمام \* دیدی اولخان عظیم الاسلام  
 کیم بوروب سرنی کیمارمین فی الحال \* مغول اهلینی قیلورمین پامال 5

اوشبو سوز بیره بوروب انلانندی \* حشم و خیلی نفی اتلانندی f 83b  
 باردی خان قلعه دزق ساری \* سلطنت اهلی ملازم باری  
 چونکه دزدین اوتوب قوندی خان \* شاه محمودغه فیلدی فرمان  
 کیم بوروب ایلکاری اوتسون سودین \* سر دیبه خوف و خطرلیق بردین  
 شهر خیه مغولین جابتورسون \* شاش و صیرام بولین جابتورسون 10  
 ایلاسون خیل مغولنی ویران \* بلکه توفراق ایله فیلسون بکسان  
 اوشبو فرمان بیله سلطان محمود \* اتلازیب دیدی اغاسیغه درود  
 باردی انینک بیله تیمور سلطان \* بوزی خورشید فلکدیک تابان



كوجەلار بولدى اولوگدين مملو \* شهر بولدى بيكروردبك اسرو  
 بالغوز اول شهردا اوق اولمادى خلق \* اندا اوق لاله كيىسى سولمادى خلق  
 كيش يىله قرشيدا هم كوب اولدى \* اندالار كوب كيشى ضايغ بولدى  
 اولدى بسبار بخارادا داغى \* بولدى كوبراك ايليكما مرك چاغى  
 بو ولاياتدا كيم ايتىلدى \* كيم اولوم ايلنى بوينكيليغ قىلدى  
 بوز مينك آدم اولوب ايركىن شايد \* اولارى بوزولوب ايرككىن شايد

XLI.

ماورا النهر خلقىغه تىنكرىدىن غضب ييتكازدا پير  
 عزيزى بو حكمايتنى بيان قىلدى تنبيه اوجون نظم  
 قىلىندى

پير عجب سوز دېدى پىرى اول وقت \* پير خورشيدضميرى اول وقت  
 دېدى بو حالدين اولوم غمكىن \* كورمادىم جان ارا پير دم تسكين  
 خاطرېم اسرو مشوش بولدى \* خسته كونكلم تقى ناخوش بولدى  
 دېدىم اى بار خدای قادر \* بارجهنينك حالىغه دابم ناظر  
 بارجهغه جسم ايله جان سين بىردىنك \* بارجهغه نام و نشان سين بىردىنك  
 كوز رواقىنى سين ايتىنك پر نور \* كونكول ايوىنى سين ايتىنك معمور  
 نطفهنى تربيت ايلاتىنك سين \* رحم ايجره انى سيلاتىنك سين  
 آنى قانغه ابوروب رنك يىرىب \* نطفهلىق مرتبه سىندىن آبرىب  
 قانغه هم ايت بوسونى سين بىردىنك \* ايتىنك هم آنى موئى سين بىردىنك  
 صورتى ابلادىنك اول ايتدىن راست \* كيم ازىدىن منكا اول اولدى خاست

(1) چاغلى (1) Pyk.

روح ايله آنى مشرف فيلدىنك \* خلق ايجره انى اشرف فيلدىنك  
 نېجه اوقات ايتىنك بولدى صرف \* تاكه جيقتى لىدىن صوت ايله حرف  
 آنى نى بىركا نى بىردىن كيتوروب \* آدمى دابروسىغه كىوروب  
 ابدى بو حال ايله قىرماق نى ايكىن \* خسته جانىدىن آبرماق نى ايكىن  
 نى ايكىن مونجه غضبغه باعث \* نى ايكىن مونجه تعبغه باعث  
 كيم نېجه شهر ايلى اولدى تمام \* شهرلار حالى اولوب بولدى تمام  
 ايلاكلچ اوشبو مناجات فقير \* هاتقى دېدى كه اى باكضمير  
 بار اولوكلار سارى كور حال نىدور \* اول اولوكلاركا كور احوال نىدور  
 قايدا كيم كورسانك اولوك قىلمه فراغ \* قىل نظر صورتىغه باشتىن اباغ  
 چون بو حكم اولدى منكا هانغدىن \* خىبر اولدى منكا اول وافغدىن  
 جيقتىم ابودىن بو كوروب كوجه سارى \* كوجهلار توله اولوك ايردى بارى  
 پير اولوكنىنك باشى اوزره توردوم \* يوزىنى كرد ارا آجىب كوردوم  
 ميسغى اغزىنى يايىب ايردى \* اوشبو بىنكلىغ نظرىغه كىردى  
 اباغىغه تقى كوزنى سالدىم \* اباغىن كوركلچ عبرت الدىم  
 تىبايدا بار ايردى كره بسى \* تىرىك اولسه ير ايردى دره بسى  
 بىلدىم اندىن كه نمازى بوق ايمىش \* تىنكرىسى بىرله نىازى بوق ايمىش  
 بوق ايمىش تابىع سنت هركر \* بىلدىم ابرمىش بسه ملت هركر  
 نېجه كون كىزدىم اوشول حال بىله \* اول اولوكلارنى تفتىش قىله  
 بارجه سين اوشبو صفتلق كوردوم \* بارىيان اىوبمه تىنج اوتوردوم  
 بو قىرىلغان كىشىلار الحاصل \* بار ابدىلار بارى حقدىن غافل  
 بارجه دنيا ارا معمور ابدىلار \* مال دنيا ايله مغرور ابدىلار  
 ايتىب ايردى بارىنى حرص و هوا \* دىن لارىنى بوزوب ايردى دنيا

f 81a

15

20

f 81b

25

30

95

5

10

اولکه بو بولنی سنکا کورکوزدی \* بیل که دین سلسله سینی اوزدی  
 یاغی دین دیکن اولدور تحقیق \* فیلم زنه ار اوزونکا آنی رفیق  
 50 دین یاغیسی بردور اوغریسی اول \* کیم کونکول ایچره دایم سالور بول  
 خاطر صاف ارا سالور وسواس \* دیولار اول شوم لعین خناس  
 اول اکسر وسوسه ایلاب کاهی \* شادغه کورساتور اولسه راهی  
 کیم شریعت بولیدین توشکای ابراق \* بولغای اقلیم ضلالتدا قزاق  
 شرعدین جون آنی بیربان سالغای \* نقد دینی آنی اوغورلاب الغای  
 55 کیراک اول محرم اسرار یقین \* دیسه لعنت سنکا شیطان لعین  
 شاهین انداق متنبه فیله \* شرع ساری متوجه فیله  
 79b دین و دنیا ارا اول مرشد راه \* یاغی و اوغریدین اولسه آکاه  
 پادشه تیج کونکول بیرله بولور \* بدعت و ظلم دکائی بوزولور  
 ایلا کیم ایتسبز بولماس جویان \* بولمه سه هم کیراک انیز سلطان  
 بو حکایت ایل اوچون دور باری \* بو روایت ایل اوچون دور باری  
 60 کیم اوزین توتقان اول ایلکا سلطان \* فیله ناموس که بولغای جویان  
 بوردین سافلامادی قویلارینی \* قویدی بوری ستمیکا بارینی  
 کیمادی اوغریسینیک ایلکینی هم \* اوغریلار کونکلینی فیله خرم  
 ایلادی نفس ایله شیطانی شاد \* دین و دنیا سینی بیری بر باد  
 65 بیمادی خلق غمینی هرکر \* ایلادی خلقنی یاغی عاجز  
 ایلنی سافلاغه مجالی بوفتور \* اوروشور جاغلیق حالی بوفتور  
 قبادی خلقنی قورغان ایچیدا \* بلکه بند ایلادی زندان ایچیدا  
 79a یخنی راق اول ایدی کیم انداق شاه \* چونکه اوز حالیدین ابردی آکاه  
 کیمکا کیم تینگریسی نصرت بیری \* نصرت و قوت و دولت بیری

70 انکا تابشورغای ایدی اوز ایلینی \* تارنا تورغای ایدی ایلدین ایلینی  
 تا اوشول ایل قیلیان سلطانلیق \* ایلکا کورکوزکای ایدی جوبانلیق  
 اوزی ایل نینک غمی بیرله کویماس \* بیلکویچیکا هم قویماس  
 بیرکیشی جانی اوچون بوزمینک جان \* نیکا ازده قیلور بو دوران  
 حق اوشول ابردی که بو خان کیلکاج \* بادشهلر اینک اینین بیلکاج  
 75 تحت ایله تاج ایله ملک و زر و سیم \* انکا قیلماق کیراک ابردی تسلیم  
 قیلیان ملک طلب مبرزلار \* سالدیلر ملک ایچیدا غوغالار  
 انکا لعنت که قیلیب ملک طلب \* ایل بوزولماغلیغیه بولسه سبب  
 انکا رحمت که ایلین قیستامادی \* ایل بوزولماقلیقینی ایستامادی  
 79b اوزکالار بوزغانین آباد ایتی \* بوزوغ ایل خاطرینی شاد ایتی  
 یخشی لیق قیلدی بمان بارغانغه \* رحم اینیب کیلدی بمان بارغانغه  
 80 کیم انکا قیلدی بمانلیق ظاهر \* اول انکا یخشی لیق ایتی آخر  
 غرض اولکیم بو سمرقند اولوسی \* کیم بمان دور کیچیکی و اولوسی  
 بورناغی شاهلار ایامیدا \* یوق که کمره لار ایامیدا  
 تالایب آلدوروب ایدیلار کوب \* کیم بو قورغان ارا کیردیلار کوب  
 85 مونداهم قالغانینی ساتیلار \* فاقه و فقر ایچیکا باتیلار  
 بولدیلار بارجه کدا و رسوا \* بوللار اوستیدا قیلیان غوغا  
 ایچکاری اشلیق اوچون باردی مال \* تاشقاری اشلیق اولوبان پامال  
 اوی بیله قوینی الیب ابردی مغول \* تیوه آتی حصاری و چغول  
 چون سمرقند بو نوع اولدی خراب \* بولدی کوب قحط بولورغه اسباب  
 80a کوز بو نوع ابردی اولوس نینک حالی \* یازغه شهر اولدی اولوسدین خالی  
 90 قیش قاتیغ کیلدی و کوب باغدی قار \* اولدی آج و بالانکاج ایل بسیار

- 5 قیلدیالر خانغه دعا بخشى يمان \* بولدیالر بارجه مطیح فرمان  
خان بسی ایادی ایلنی اما \* تینکریدین بار ابدی اول ایلکا بلا  
نیجه ییل خان کیلشیدین بورنا \* قبل و رزم ایشیدین بورنا  
بایسغر بیله سلطان مسعود \* چیقاریب ابردیالر اول ایلدین دود  
تقی ساطانعلی نادان لهم \* قیلیب ابردی بسی اول ایلکا ستم  
10 بیر طرفدین تقی ترخان اتلیق \* لادهلار بار ابدی لار شوکتلیق  
تقی خانیکا دیکان خان عزیز \* کیم انکا بار ابدی ادراک و تمیز  
قیلیب ابردی چیریکیکا فرمان \* کیم جاییب خلقنی قیلغای ویران  
f 77b نیجه ییل موئجه بلالار بار ابدی \* انکا انواع جفالار بار ابدی  
بو المکارم بیله بابر داغی \* فویدی ایل جانغه محنت داغی  
15 آلتی آی باغلادیلار قورغاننی \* وهمدین قوتقارالی دیب جاننی  
بیر ایکی جان اوجون اوشموئجه جان \* درد و غم اوتیغه کوبسه نی یمان  
شاه اولدور که بیسه ایل غمینی \* دایم اوزیکا دیسه ایل غمینی  
ایستامای اوزی نینک ارایشینی \* ایستاکای خلق نینک ایشینی  
نفس اوجون ایلامسه سلطانلیق \* قیلماسه اهل هوادیک خانلیق  
20 عرصه ملکنی بابان بیله \* ایلنی قوی اوزینی جویان بیله  
بیله سلطانلیغی نینک دستورین \* بلکه جویانلیغی نینک دستورین  
قویینی اوتغه سوغه بیتکورسه \* آروغینی اوزیکا کپلتورسه  
کوندوز اوتلاسه الارنی خوشحال \* قیلماسه بوریکا زار و پامال  
f 77a کیچدسی ایلامسه آهنک قطان \* بیرسه آرام الارغه بکسان  
25 بوریدین بولسه نکهبان کوندوز \* بولماسه عاجز و حیران کوندوز  
اوغریدین بولسه نکهدار کیچه \* بولماسه اوغری بیله بار کیچه

- اوزیکا دیسه قیلای آسان ایش \* دیسه جویان که ییلائی آسان ایش  
ساقلاسون جانور دانایی \* فویدا جویانلار ایلله هپایی  
بوییده طوق و فایی بولغای \* اوغریده نغمه سرایی بولغای  
30 کوندوز ایتکای قوی بیراه تک و بو \* بولماغای کیچه کوزیدا اویغو  
بوری بیراه اوروش آهنک ایتکای \* کینک جهاننی اوزیکا تنک ایتکای  
اوغری بیراه کیچه غوغا قیلغای \* اوغرینی ایل ارا رسوا قیلغای  
پادشه بولسه کیراک جویان دیک \* مرد ره بولسه کیراک جویان دیک  
ایلینی قوی کیسی بیله دایم \* ایلکا رحمت بیله کیسه دایم  
f 77b بوریدیک یاغینی مظلوم ایتسه \* مال آلوردین آتی معروم ایتسه  
35 اوغریدین صاقلاسه یعنی سلطان \* اختیار اینماسه ایلکا دیوان  
نیتمین دیسه اوزی جویان دیک \* بولسون ایت بیراه سوزی جویان دیک  
ایلاسون شخص امینی پیدا \* ایت گیسی قیلغوجی ایلکا غوغا  
ایت صفاتی بیله راسته اول \* نور ذاتی بیله آراسنه اول  
40 هم وفادارلیق ایتکای ظاهر \* هم مددکارلیق ایتکای ظاهر  
یاغی بیراه اوروشوردیک بولغای \* رزم وقتی توروشوردیک بولغای  
اوغری بیراه تقی غوغا قیلغای \* هم رعیتغه مدارلیق<sup>1)</sup> قیلغای  
بولماغای دینی ایشیکا مشغول \* آیده دین ایشی بولغای مقبول  
دین یاغیین تقی معدوم ایتکای \* اوغرینی تقی معروم ایتکای  
یعنی سلطانی اگر قیلسه خطا \* بشریت بوزیدین احیانا  
f 78a اول خطادین خلل اوله دینغه \* اول آیتسه شه دین آیینغه  
45 کیم خطادور بو خطادور بو خطا \* تیلاماس دین خللین مرد خدا

1) مدارلیق. Pyk.

جمع اینیب کونکلینی باندی درویش \* غصه اوتی بیله باندی درویش  
 100 کیم مونیونکدیک کیشنی بیلماس ایل \* خان بیله قوللوغینی فیلماس ایل  
 شهرغه کوردی نی کیم دیدی خان \* بارجه سین شهر ایلکا قیلدی بیان  
 بولدیلار شهر ایللی اسرو دلشاد \* قابغودین کوردیلار اوزنی آزاد  
 قیلدیلار خانغه دعا جان بیرله \* کوردیلار جانلارینی خان بیرله  
 بولدی میرزا داغی اسرو خوشحال \* کیم قاجیب جیقوسیدور فارغبال 174b  
 105 شیخ الاسلام تقی شاد اولدی \* خاطری فکردین آزاد اولدی  
 قیز داغی بولدی فرحناک بی \* توشتی ایننک باشیغه هم هوسی  
 اناسی هم فرح اینی بسیار \* جان ارا شادلیق اینی اظهار  
 خان وکیلین تیلاتیب آلدیلار \* شهر ارا طوی سوزینی سالدیلار  
 خانغه اول اینی نکاح ابلادیلار \* عیش سوزینی مباح ابلادیلار  
 110 جیقارب خانغه بیاردیلار آبی \* بولدی خان کنج کهر بیرله غنی  
 کرجه اول کنج اوچون جیکتی رنج \* عاقبت کوردی اوزین صاحب کنج  
 انی جون خانغه بیاردی بابر \* شهردین جیقتی و باردی بابر  
 جون خلاص اولدی قبلدین اول شاه \* قیلدی خانیکه دیکان خانغه پناه  
 بار جون خان فاشیغه باووشتی \* قویدی بابرنی انکا باپوشتی  
 115 بولدی خان وصل ایله شاد و خرم \* بولدی خوشحال قاجیب بابر هم 175a  
 شیخ الاسلام داغی همره انکا \* همعان بیر ایکی اوج ایله انکا  
 عشق ایله شهرنی فتح ابلادی خان \* عشق دور واسطه فتح جهان  
 عشق دور وصل قابوغیغه کلید \* عشق دور ابلاکان اینکینی جدید  
 عشق دشواری آسان ایلار \* عشق عالمی کلسنان ایلار  
 120 عشق بیرله توزایب تور ابام \* عشق بیرله آجیلب دور اسلام

عشق دور مخزن اسرار وجود \* عشقدور مطلع انوار وجود  
 عشق بپردی طلب ایلکا مراد \* عشقدین دور باری ایشلارکا کشاد  
 عشقدور واسطه امن و امان \* عشقدور رابطه جسم روان  
 عشقدین بولدی ملک روحانی \* عشقدین بولدی فلك جسمانی  
 125 عشقدین دور باری اشیا موجود \* عشقدین اوزکا نیمه کا فی وجود  
 هرنی کیم بارلیغ آتی بار انکا \* بارلیغ نعمت و صفاتی بار انکا 175b  
 عشقدین بولدی ایننک بارلیغی \* بارلیغ بیرله نمودارلیغی  
 عشق اول نور دور ای صاحب فن \* کیم ابرور اوزلوکی بیرله روشن  
 هم قویاش جسمی منور اندین \* هم قمر مشعلی انور اندین  
 130 عشقدین کیمکه خبردار اولدی \* تینکریکا محرم اسرار اولدی  
 عشقدور الغوجی ککشورلارنی \* عشقدور بوزغوجی لشکرلارنی  
 عشقدور خاننی جهانگیر اینکان \* عشقدور عقل ایله تدبیر اینکان

XL.

سهر قند فتح بولغاندین سونکرا قبل تارتقان ایل لارنینه  
 احوالی و خانیکا خان مغول لاری دین تالان و تاراج دین  
 و کیچیک میرزانینه باشتاق نوکرلاری نینه بی معنی  
 حکومت لاری دین بوزولوب قورغانی بیرکیتور  
 دیکانلار نینه حالی

176a چون سهر قند ایشکی آجیلدی \* خان بی ایلکا عنایت قیلدی  
 بورداغی ایشدین الارغه دیسادی \* رزم سالیجیش دین الارغه دیسادی  
 شهر ایللی خان کرمنی کوردی \* بارجه بیریک بیریکا اولتوردی  
 خان بو الطافنی قیلغاج اظهار \* قیلدیلار خلق تعجب بسیار

55 ایل سوزی داغی بیلیب ابردیلار \* ایش براغینی قیلیب ابردیلار  
 توتیلار بارچه بو سوزکا منت \* دیدیلار کیلدی یته امنیت  
 شیخ الاسلامی چارلاتیلار \* مرشد خامنی چارلاتیلار  
 خان سوزین دیدیلار ایل سوزینی هم \* صفت عشق دل افزونینی هم  
 شیخ الاسلام هم اولدی راضی \* بیغیلیب کیلدی فقیه و قاضی  
 60 ایل اولوغارینی جمع ایلادیلار \* شهرینک یغشی ایلین سیلادیلار  
 دیدیلار صلح اینینک ابدی انکیز \* جیقالی بیز بو ولایت دین بیز  
 شهر ایل ایشینیب اوشبو مقال \* بولدیلار بارجهسی شاد و خوشحال  
 انتخاب ایلادیلار درویشی \* بارچه عالمغه نکو اندیشی  
 قیز سوزینی دیدیلار اول انکا \* قصهنی بیلدوروبان مجمل انکا  
 65 سونکرا ایل نینک غمینی هم دیدیلار \* شهر ایل نینک سوزینی هم دیدیلار  
 حاصل سوز بوکه خان قیز آسون \* ایکنیدین هجر لباسین ساسون  
 شیخ الاسلام ایله کیتسون میرزا \* سفر آهنکنی ایتسون میرزا  
 بولماسون خان کیشیسی مانع انکا \* بولماسون حادثه واقع انکا  
 شهر ایلنکا تعی رحم ایتسون خان \* بولماسون اوشبو ولایت ویران  
 70 خان و سلطانلاری شرط ایتسونلار \* سوزلاری نینک باشیغه بیتسونلار  
 بو حکایتلار ایله اول درویشی \* بولدی خان الیدا خدمت اندیش  
 73a بولادیلار بارچه سلاطین حاضر \* بارچه درویش سوزیکا ناظر  
 خان قبول ایلادی درویش سوزین \* آجتی درویش ساری لطف کوزین  
 دیدی بابر بیله شیخ نادان \* قیلدیلار شهرنی اسرو ویران  
 75 شاه بولغان بیر اولوس قابغوسینی \* کینه دین صاف توتار کوزکوسینی  
 تینکری دین بنده تیلارمین دایم \* کاه ذاکر بولوبان که صایم

کیم منکا عالم ایلینی بیرکای \* بارچه افاق قولومه کیرکای  
 مین بو ایل لارکا کرم قیلغای مین \* ظلم اهلینی عدم قیلغای مین  
 بیرکامین شرع نبی کا رونق \* بدعت اهلینی کیتار برب مطلق  
 80 منکا نیت بودور ای مرد خدا \* نیتاین ایل مولی ییلماس اصلا  
 تیلاماسلار مینی بو نادان ایل \* اول سبب دین بولادور ویران ایل  
 هر نیچه ایل تیلاماس مین تیلارام \* ایل مینی سیلاماسه مین سیلارام  
 73b مین تیلاب تینکری بیریب تور ای شیخ \* تینکری سوزی منکا کیریب تور ای شیخ  
 مین تیلادیم تیلادی تینکری هم \* بولمهسه تیلاککی منکا نی غم  
 85 کیم تیلاسه مینی دولت تابقای \* دولت و عزت و نصرت تابقای  
 کیم اوزین توتسه تیلاکدین معذور \* بولغوسی بوقنور انکا هیچ حضور  
 بیل که مین بارچه غم مشفق دورمین \* بارچه ایل بیرله موافق دورمین  
 جغتای ایل مینی اوز بک دیماسون \* بیهده فکر قیلیب غم بیماسون  
 کرچه مین اوز بک ایلیدین دورمین \* لیک تینکری کا ابرور بو روشن  
 90 کیم تیلارمین باری ایل اصنافین \* بیلماسام جام ارا درد و صافین  
 فکریم اولدور که آلیب شام و عراق \* بولغهمین مصر اولوسیغه قنات  
 بو سمرفند خود اوز تخیم دور \* بیلکیل اندین که نیتک بختیم دور  
 74a کیرسه بوز تخت مونونکدیک قولومه \* بولماغای هیچ غباری بولومه  
 بو اولوس کرچه بمانلیق قیلدی \* اوز بمانلیغینی آخر ییلدی  
 95 ابدی مین یغشی بق اظهار ایتاین \* رحمتینی باریغه یار ایتاین  
 شیخ الاسلام ایله بابر کیتسون \* اولکه بار بیزکا کیراکلیک بیتسون  
 چون بوسوزلارنی دیدی حضرت خان \* الدی درویش قاشیندا قرآن  
 شرطلار ایلادی درویش پسند \* سالدی درویشلیغی کوککا کند



جوش اورار ابردی عدودین افزون \* جیربکی جیه لایب دریا کون  
 قابقا اغزیغه بارورلار ابردی \* قلعهغه جاو بیارورلار ابردی  
 15 قلعهده ابل بولور ابردی حیران \* کیم اوروش سالغالی کیلینش تورخان  
 تانکغده ابلکا بوق ابردی اویغو \* اولتورورلار ایدی خانغه اوتور  
 لیک حضرتغه بو ابردی مقصود \* کیم ایننک خاطرری بولغای خوشود  
 ۲۷۰<sup>b</sup> ایستاکای یار باقینیدا قونوش \* ایلکای کیجه ایرقدین کورونوش  
 باریننک منزلیدین ایس الغای \* باریننک کویکا غوغا سالغای  
 20 اوزیدا خود بوق ایدی خواب و قرار \* دلبرین هم قیلور ابردی بیدار  
 کیجه تانک اتقوجه بیدار ابردی \* عشقدین کوزلاری خونبار ابردی  
 عاشقانه غزلی اینور ایدی \* صبح بولغاج بیریکا قابور ایدی  
 ایل بیغیلغاج کورونوشکا فاشیغه \* خیر باد ایلار ایدی کوز باشیغه  
 اوزینی ساقلار ایدی ایل کوزبدین \* لیک ایشی بوق ایدی ایلننک سوزبدین  
 25 کونکلی مشغول ایدی یاری بیرله \* خاطرری لاله عذاری بیرله  
 شهردین سوز سورار ابردی و خیر \* اوزکادین بوق ایدی کونکلیکا اثر  
 شهردین کیکه چیقار ابردی نجیف \* خان کوزیکا کورونور ابردی لطیف  
 ۲۷۱<sup>a</sup> کیم کونکول محفلیدین<sup>۱</sup> کیلکاندور \* باریننک منزلیدین<sup>۲</sup> کیلکاندور  
 کیلتورور ابردی فاشیغه انی \* سورار ابردی سوزینی پنهانی  
 30 عشقدین دیر ایدی رازینی انکا \* بیلدورور ابردی نیازی انکا  
 قیلور ابردی انکا اسرو انعام \* میوه و اطعمه دین پختنه و خام  
 حاصل اهل غلاموس باری \* یاندیلار عشق بیله شهر ساری  
 قیلدیلار عشق حدینین مشهور \* قالمادی عشق حدیشی مستور

1) Pyre. 2) Pyre. منزلهین

۷۱  
 بیئی اول شمعغه بو افسانه \* کیم سنکا خان بولادور پروانه  
 35 عارضینک کورماین اولمیش مقنون \* سینلی لیلی دیب اوزینی مجنون  
 سیندین اوزکا انکا دلجو بوق امیش \* کیجه لار کوزیدا اویغو بوق امیش  
 ۲۷۱<sup>b</sup> کیلیدی ناکاه بو اتنادا بیراو \* بولدی بیر طرفه غزل بیرله ایکاو  
 غزلیدا بو حکایت ابردی \* اغزیدا هم بو روایت ابردی  
 سوزنننک مختصری

کای منکا آرزوی جان وصلینک \* بی دوا دردیه درمان وصلینک  
 40 صفینکنی ایشیتیب زار اولدوم \* عشقیننک ایلکیکا کرتبار اولدوم  
 سینی کورمای منکا احوال بودور \* عشقیننک ایلکیکا منکا حال بودور  
 باقیبان قالدی خیالینکغه کوزوم \* آه اگر توشسه جمالینکغه کوزوم  
 صبر کویسکا کذاریم بوقتور \* بیتمااین سنکا قراریم بوقتور  
 قیلاننک آبدیک فلک اوستیدا وطن \* یا کهردیک صدف ایچره مسکن  
 45 توکاین اشک ثریا ینکلیغ \* جیقاین کوککا مسیحا ینکلیغ  
 کوز یاشی ایچره بولاین غواص \* اول صدفدین قیلاین سینی خلاص  
 ایلاین شرط سننک باشینک اوچون \* بولمه غمننک قرینداشینک اوچون  
 هیچ یسانلیق انکا یادونماغالی \* سینلی قیلور توب انی تونماغالی  
 ۲۷۲<sup>a</sup> هر قایان خاطرری ایستار بارسون \* بارسون انجه که بوروردین هارسون  
 50 قاصد ایشکاج حکایتی ادا \* بولدی قیز کونکلیدا دردی پیدا  
 جان بیله خان ساری مابل بولدی \* خان غمیدین ایچی تاشی تولدی  
 چون بو سوزلاری اناسی بیلدی \* اوز اوزی بیرله قامل قیلدی  
 دیدی شاید بو سبب بیرله خدا \* بیر باروغلوق منکا قیلغای پیدا  
 اناسی هم بولوب ابردی مضطر \* بیکلاری هم متحیر بکسر

بولدیلار ایل داغی اسرو نوید \* کوردیلار جان ارا داغ جاوید  
 شیخ الاسلام قاشیغه اعیان \* بیغلیب دیدیلار ای شیخ زمان 40  
 آتی آی بولدی که بیز مسکینلار \* صدق بولیدا وفا آتینلار  
 ایلادوک هر نی که فرمان قیلدینک \* صدق میزنی بسه سین هم یلدینک  
 ایدی یوق طاقتیمیز چاره نیدور \* قالمادی قوتیمیز چاره نیدور  
 ایت ایتینی ییدوک ایدی نیتالی \* بیز بو قورغاننی نیشیب بیر کیتالی  
 اوروش ایلار کیشیمیز قالمادی هیچ \* قلعه بیرله ایشیمیز قالمادی هیچ 45  
 سینی دیب ییتی بو بیرکا ایشیمیز \* بیٹی کوککا بینادور نالشیمیز  
 تاشقاری باغلاریمیز بوزوادی \* ایچکاری ایلاریمیز بوزولدی  
 ایدی میرزاغه اجازت بیرکیل \* بولومیزدین بو تیکاننی تیرکیل  
 خان ایرو اسرو رحیم و عادل \* عدلیغه گونکلی ازلدین مایل  
 سین اگر وهم فیلور سین خاندین \* کیچه الماس سین بو اوغلاندین 50  
 بارغیل آتینک بیله بو کشوردین \* قوتقاریب خلقنی درد سردین  
 یوقسه بو شهرنی العاج فی الحال \* بارجه عالمنی قیلورلار پامال  
 بیرقولی کیم توناگون سالدی اوروش \* یوق ایدی شهردا امکان توروش  
 بیغلیب بارجه انی دفع ایتوک \* ایلدین اول حدنه نی (Sic) رفع ایتوک  
 قانکلا خان بیرله باری سلطانلار \* بارجه میرزالار ایله اوغلانلار 55  
 قیلسلار توش توشیدین رزم انکیز \* خان بو قورغاننی آلور بولغای تیز 60a  
 ایدی تدبیر بودور کیم میرزا \* قیلماین شهر ایلی بیرله غوغا  
 خان بیله صلح سوزین آیتقای \* فننه و کین باشیدین قایتقای  
 خانغه همشیره سینی عقد اینکای \* اول باربب خان قدیمغه بینکای  
 شهردین قاجقای و کینکای میرزا \* شیخ الاسلام هم انکا همیا 60

شهر ایلدین بو حکایت بولعاج \* بو حکایت بیله قورغان تولعاج  
 شیخ الاسلام هراسان بولدی \* بابر اوز حالغه حیران بولدی  
 بولدیلار بیکلاری بارجه غمکین \* بولدیلار بارجه سی محنتقه قرین 60b  
 کیتار اسباینی ساز ایلادیلار \* انلاری نینک سمیزین سیلادیلار  
 الار احوالی بو کیم ثابتی بیان \* ایدی خاندین ایشینک بیر داستان 65

XXXIX.

امام الزمان غایبانه عاشق بولوب عشق بیله معشوقینی  
 قولیغه الغانی و بابر میرزانی قاجوروب تخت قولیغه  
 سالغانی

خان بو حالتدا اینک دیک عاشق \* کیم دیکای سین تیریلیب توروامق  
 یار عذرا صفتی شهر ارا \* خان قیلیب تاشقاریدین اوایل  
 بار ایدی اول صنم زیباغه \* نسبتی شهرداغی میرزاغه  
 ایتاین نسبتینی فاش سنکا \* حاصل ایدی قورینداش انکا  
 غایبانه بولوب ایدی عاشق \* انی عذرا دیب اوزینی وامق 5  
 غایبانه صفتینی ایشیب \* عشقدا ایش بو بیرلارکا بیتیب 60a  
 بیر زمان بوق ایدی ارام انکا \* اه ایله ناله ایدی کام انکا  
 سیلدیک باش اقرار ایدی کوزیدین \* درد ظاهر بولور ایدی سوزیدین  
 عشق دردی باشیدین واضح ایدی \* شوق سوزی بوزیدین لایح ایدی  
 هر حکایت ارا عشق ایدی سوزی \* عشق دین ایدی کهر بار کوزی 10  
 کیجهلار عشق فسون اینکاج انی \* اول فسون زار و زبون اینکاج انی  
 دبر ایدی کیم جیریکیم اتلانسون \* قلعهغه چیقماق اوچون قاتلانسون

امام الزمان اوروشقه فرمان قیلیب مظفر الدین سلطان محمود بهادر قلعهغه اوروش و امام الزمان رحم قیلیب جیریکی تییغانی و ایل شهر دابی طاقت بولوب غوغا قیلغانلاری

اوشبو حالتدا عزیزی کیلدی \* سوزلاری خان فاشیدا ایتیلدی  
 دیدی بوقور اوروشور جاغلی کیشی \* خان نینک بوقور توروش بیرله ایشی  
 ایل سیزینک ملک سیزینک مال سیزینک \* دولت و نصرت و اقبال سیزینک  
 بو حکایت بیله خان دوران \* بنه قیلدی اوروشورغه فرمان  
 نردبان و توره بسیار ابردی \* یاسانیب بارجهسی طیار ابردی  
 چون بو حکم اولدی جناب خاندین \* همچکیم چیکمادی باش فرمادین  
 صبح چون بولدی شفقدین خونریز \* مهر قولیغه بیریب خنجر تیز  
 خان جیریکی یاسانیب بخشیمان \* بولدیلار بارجه مطیع فرمان  
 کوتاریب شاطولارین کیلدیلار \* قیلور ایشلارنی باری بیلدیلار  
 کیلدی خان نینک جیریکی هر یاندین \* باردی جهان شهر دابی اعیاندین  
 بنه بیر یاندین سلطان محمود \* کیلدی اوز لشکری بیرله خشنود  
 کیلکاج اوق تورهلاری بینی روان \* جیریکی قیلدی شجاعتی عیان  
 توره نینک سونکیجه شاطو بیستی \* شهر نینک باشیغه قایغو بیستی  
 توره لیق توره نی ایلکیکا آلیب \* شاطو اوق شاطونی ایکنیکا سالیب  
 کیلدیلار خندق ایجره فی الحال \* اوتنیلار خندقین ابلااب پامال  
 قوبدیلار تامیغه شاطولارنی \* تاپتیلار اول ساری قابولارنی  
 توردی خندق بقاسیندا سلطان \* قابوجیلار بیله ابلااب جولان

آنتیلار کیمکه جیقاردی باشنی \* اول جیقارمای باشنی تاشنی  
 تاش کوب کیلدی و اوق هم بسیار \* کوب کیشی بولدی جیریکی افکار  
 لیک شاطونی آلیب بارغانلار \* شهرغه وهم سالیب بارغانلار  
 جیقنیلار بارجهسی شاطولاردین \* کرجه کوب کیلدی تاش اوتورلاردین  
 کوب اوروش بولدی ولی آخر کار \* شهر ایچیندا چه صغار چه کبار  
 بارجه سلطان ساریغه کیلدیلار \* جان و دل بیرله اوروش قیلدیلار  
 ایلاککاج شهر ایللی بارجه هجوم \* آسمان اوزره اوشاندانق که نجوم  
 شاطونینک اوستیداکی افکار ایل \* پردل و پر جگر و پر کار ایل  
 کبرجه انداق برالیغ نوشتیلار \* ساغ یانیب بارجهسی قاووشنیلار  
 خان سیاست قیلا تورغان بولدی \* شهر حالین بیله تورغان بولدی  
 رحم انیب قیلما دی انکیز اوروش \* دیدی بیرماس بوالوس بیزکا توروش  
 کورالی بیر قول ایله نی قیلشور \* قیلور ایشنی بیه سلطان بیلشور  
 خان بوسوز بیرله اوروش قیلما بدور \* جیریکی قلعه ساری کیلما بدور  
 خان نینک اوتروسیداغی هم باری \* کیلیسان ایلا دی رزم کاری  
 بوقسه توش توشدین اوروش بولسه ایدی \* قازیمی اوزبک ایله تولسه ایدی  
 آلتینور ابردی هم اولدم قورغان \* غایتش ایلکیکا رحم ایلا دی خان  
 کرجه اول قلعه نی المای باندوق \* اسرو حرمان اوتی بیرله باندوق  
 لیک حالتلاری معلوم اولدی \* بارجهغه ایشلاری مفهوم اولدی  
 بیلدیلار بارجه که توش توشدین اوروش \* بولسه بوق شهر ایلکیکا هیچ توروش  
 بولدی میرزاغه داغی بو معلوم \* کیم بولور شهر دین آخر محروم  
 شیخ الاسلامغه هم بولدی عیان \* کیم یاپوشه الور اول قلعه نی خان

۲۶۷۸

20

25

۲۶۷۹

30

35

۲۶۸۰

1) ۲۶۸۰

## XXXVI.

فقير مسكين يخشى ليغنى تيلاب امام الزمان تينكريسيكا  
مناجات قيلغاني

كصا خداوند كريم غفار \* مالك الملك سين و هم قهار  
ملك نونك مالكي بوق سيندين اوكون \* اوشبو ملك ابجره نر لار بولدى بوكون  
منكا لطف و كرم ايتينك ظاهر \* بارجه لطفونكا قىلدنك ناظر  
قهر بو ملك ايليك كورگوزدونك \* قهر ايله مونداق الارنى بوزدونك  
ابدى لطف ايله الارغه ظاهر \* اى خداوند رحيم قادر  
بولماسون قالغان اولوس بير بولى \* بيتاسون باشلار يغه غم قولى  
حضرت خان خليفه كىدار \* مهربانلىق قىليب ايلكا اظهار  
قىلدى بو نوع مناجات اما \* تينكريدين كىلدى اوشول ايلكا بلا  
خان سارى اجمادىلار اصلا كوز \* صلحدن ديمادىلار اصلا سوز

## XXXVII.

سمرقند ايلي آچلىق قه تورماي قلعه دين جيغا  
باشلاغانلارى

ينه ميرزا بيله شيخ الاسلام \* ييغىيان بير نيجه شوم خودكام  
يانكى باشدين ينه شرط ايلادىلار \* شرط محكم ليغىنى سيلادىلار  
ديدىلار اوتنى قىلدين تورت آي \* بوق سيز ايل بولدى بوشهر ابجره كداي  
ابدى شهر ابجره منادى قىلىنكىز \* اول منادى ارا سوزنى بىلىنكىز

5 سوز بو كيم بىللىق ازوق سيز جيغسون \* مفلس و عاجز و بوقسيز جيغسون  
بىز آيتقان سوزوميزكا بينالى \* شهرنى بارلىق ايل بير كىنالى  
بو منادى بوروكاج شهر ارا \* توشنى بوقسيز ايل ابجىكا غوغا  
يىغىليب بوز ايكي بوز ابواك ايل \* جيغماق اوچون قىلييان محكم بىل  
بىبارىب تاشقارى سلطانغه كىشى \* قابو سلطانغه قابو خانغه كىشى  
10 تىلابان اوزلارىكا داروغه \* كيم تىلاب تاپمادىلار داروغه  
جيغىتى لار بارجهسى بلجار بيله \* يىغلاشيب دېده خونبار بيله  
بارجهسى قول توشوشوب جيغىتى لار \* جان بيروركا ياوشوشوب جيغىتى لار  
بارجه زندان ارا يانغان كىشىدىك \* بلكه زار اولكان و قاتقان كىشى دىك  
زغفرانى بولويان جهره لارى \* قوروق اوتدىك بولويان سبزه لارى  
15 يول بورورجه بوق الارغه قوت \* توز تورورغه بوق الارغه قوت  
ايل جيغا باشلادى مونداق بىبار \* جرخ نىك مختىدين بارجهسى زار  
جيغىتى بير آي چه بو طور كوران \* كيم بارىسنى باسيب ابردى سوران  
اون مينك ابولوك كىشى جيغىتى بولغاي \* شهرلار شايد الاردىن تولغاي  
چون بوسوزدين ينه اوتى بير آي \* بولدىلار بارلىق ايل بارى كداي  
20 اتنى آي جيگىتى بو قورغان قبلى \* بولمادى هيچ طرفدين خلى  
ايشلارى ينى انكا كيم دىدىلار \* باشدا دىكان نيمه لارنى بىدىلار  
بولدى انداق قبلى كيم دوران \* كورمادى تيره مونونكىدىك قورغان

جیقئی لار شهردین انداق کیم برق \* بولوبان جیهه و جوش ارا غرق  
 بولدی میرزا کیشی سیکا ناموس \* دیدیلار بارجه دریغ و افسوس  
 کیم بو ایل جاغلی بولا المای بیز \* تک و نام ایله اول المای بیز  
 مینکجه یجشی کیشی قالیب ابردی \* کیم باری رزمغه طالب ابردی  
 جیقئی اول مینکجه کیشی اتالیبان \* ایش قیلورغه باری سی فاتالیبان  
 توتی میرزا بیله شیخ الاسلام \* شهر دروازه سی اوسنیدا مقام  
 چقاریب ایلنی بوروتی لار تیز \* ینه هر فتنه نی ایلاب انکیز

f 62b

XXXV.

امام الزمان و خلیفه الرحمن و حمزه سلطان و مظفر الدین  
 سلطان محمود بهادر چاپا الارغه اوترو بارغانلاری

اولتوروب ابردی فراغت بیله خان \* ابولیک ابویدا تقی هر سلطان  
 کیم سوران شهر ساریدین کیلدی \* ناشقی ایل بارجه بو ایشنی بیلدی  
 حضرت خان پسندیده خصال \* جوشین ایکنیکا الدی فی الحال  
 اونک و سول بارجه کیندی لار جست \* بیل لارین باغالدیلار رزمغه رست  
 ایچکی سی دافی مکمل بولدی \* ایچکیدین خان نینک ایچیکی تولدی  
 حمزه سلطانغه دافی باردی خبر \* قیلدی آراسته اول هم لشکر  
 بولدی سلطان بهادر محمود \* بو خبر بیرله بغایت خشنود  
 کیم جیقیب کیلدی عدو خیلی باباغ \* بیزکا حق توزکوسی اسباب فراغ  
 تینکری بیرسه اتی پامال ایتالی \* دوستلار کونکلینی خوشحال ایتالی  
 اوشبو سوز بیرله دلور سلطان \* بورودی ایلا که پور دستان  
 قیلیب آراسته اونک بیرله سولین \* اغاسی دیک یاسابان ایچکی قولین

f 63a

شهر ساری بوروبان آت سالدی \* شهر ایلنی آت اباغیدا قالدی  
 اول پمانلار که بو ایش باشلادیلار \* اولارین شهر ایچیکا تاشلادیلار  
 قالدی میرزا نوکری بیرله باباغ \* وهمدین جان لار ارا بوز مینک داغ  
 خان قولی هم بیتیان کیلدی روان \* قیلیب اعدا چیریکینی بیجان  
 جلوه کر بولدی تیمور سلطان هم \* خان نینک الیدا ساوشتی محکم  
 خانداغی اوزی ساوشتی بسیار \* اوق بیله بولدی بسی کارکنار  
 آتیبان ییقئی نیجه جاهلنی \* سرنگون قیلدی نیجه باطلنی  
 اوزی الیداغینی باندوردی \* باندوروب خندقه بیشکوردی  
 لشکر اهلی کوروب انداق خانتی \* هر ساری جلوه دا بیر سلطانی  
 حمزه نینک اوقیغه کوز سالمادیلار \* چایشیب بیر بیردین قالمادیلار  
 قیردی لار حمزه دیکانتی بیجد \* تاملار فالغانیغه قیلدی مدد  
 جیقان ایل نینک کوپی ضایع بولدی \* شهر نینک اوروشور ایلنی اولدی  
 شیخ الاسلام کوروب ایل قاجشین \* قیلدی نظاره قرانینک کیلشین  
 وهم قیلدی که بوروب حضرت خان \* کیسه شهر ایچیکیکا اوشبو زمان  
 اوروشور جاغلی کیشی بوق نیتالی \* قلعه میزنی نی قیلیب بیرکیتالی  
 بولدی بابر داغی غمکین بسیار \* اضطراب ایلادی مسکین بسیار  
 لیک خان باندی اوشول بیردین اوق \* کیلادی شهر ایچیکیکا باووق  
 کیلدی اوز منزلیکا خرم و شاد \* ایلادی میل نماز و اوراد  
 چون ادا قیلدی نمازین اولحان \* عرض اینیب عجز و نیازین اولحان  
 قرب نینک مرتبه سیکا بیتمی \* تینکر سیکا بو مناجات ایتمی

15

20

25

30

f 63b



اتفاق ایلادی تنبل هم انکا \* شرط سوزینی دیدی محکم انکا f 60b  
 5 اولدای اسپردین ارتیلدی \* اندجان لشکرین آلیب کیلدی  
 شیخ الاسلام سوزینی بسیار \* قیلدی بسیار سوینماک اظهار  
 شادمانه کوسینی جالدوردی \* اوزنی میرزا قاشیغه بیتکوردی  
 بولدیلار بارچه شاد و خوشحال \* قیلدیلار عقل سیز ایل بیلده خیال  
 کیم کیلیب خانیکه بیرله تنبل \* خان بیلده قیاغوسیلار بارچه جدل  
 10 شهر ایللی بو خبردین خوشحال \* لیک خان نینک چریکی فارغبال  
 بو خبرنی ایشیب حضرت خان \* دیدی بولسه منکا لطف یزدان  
 بوز اینک دیک کیشی دشمن بولسه \* بلکه دشمن دین عام تولسه  
 منکا دشمن ساریدین غم بوقور \* دوست لطفی بیلده کونکولوم توقور  
 فارغ اوشبو سوز ایلده اولتوردی \* قبل ایتماکنی مناسب کوردی  
 15 دیلمادی کیم بو خبر بار یا بوق \* خان و تنبلدین اثر بار یا بوق f 61a  
 خان چیریکیکا یاقینراق کیلکاج \* خان نینک اول اوتوروشینی بیلکاج  
 اول ایکاو هم بیریکا المادیلار \* دوستلوق نوتینی جالمادیلار  
 باندیلار بیلاریکا ایرالاشیب \* ایجداکی کینه لارینی بیلشیب  
 خان یاقینراق سیغینه توشتی بنه \* توردی اول قلعه ایللیکا بیتنه  
 20 اوزکا هر کون اوروش ایردی و قتال \* بولدی خان قول لاریغه دفع مالل  
 آلتی آی چیکتی بو قورغان قبلی \* بولمادی هیچ طرفدین خللی  
 خلق فریاد قیلا باشلادیلار \* قلعه دین اوزلارینی تاشلادیلار

سمرقند نینک ییاغ و آتلیغی یاسانیب قلعه دین چیقانلاری

ناکهان باردی بر او تاشقاریدین \* شهر ساری که بیلورمین باریدین  
 قالمادی خان چیریکیکا اوزبک \* باردی بسیار ایل اندک اندک  
 5 قایسی کوفین و فراخین کیتی \* قایسی خرقان و هزارا بیسی f 61b  
 قایسی کرمیندکا اوزدی آهنک \* قیلدی شاهانه بساط و اورنک  
 قایسی بول سالدی بخارا ساری \* قایسی هم کوزلادی اندین ناری  
 قایسی قرشی بیلده کیشکا باردی \* مال غایب دیب ایلین اختاردی  
 خان قاشیدا کیشی آز قالیبتور \* قالغانی داغی کونکول سالیب تور  
 شیخ الاسلام بو سوزنی بیلکاج \* دیدی میرزاغه بو سوزنی بیتکاج  
 بیغدیلار شهر ایلینی بکسر \* دیدیلار کیم بودور ابدی خبر  
 10 شهر نینک بیر نیچه بی باکلاری \* کیشی بولورغه هوسناکلاری  
 دیدیلار بیز بیغالی جالاک ایل \* لا ابالی صفت و بی باک ایل  
 شیخ الاسلام بیلده میرزا سیز \* قلعه اوستیدا تماشای قیلینکیز  
 بیز جیقیب رزم اینالی خان بیرله \* ایشینکیزنی قیلالی خان بیرله  
 15 ابدی کیم آز قالیبتور لشکر \* جیقیبان کورسانالی خانغه هنر f 62a  
 شیخ الاسلام ایلده میرزا بسیار \* ایل ارا شادلیق ایلادب اظهار  
 دیدیلار بختی کینکاش دور اوشبو \* یاقادور اسرو کونکولکا اسرو  
 فیلسانکیز رزم جیقیب تاشقاری سیز \* قیلالی سیزکا عنایتلار بیز  
 اوشوسوز بیرله اوشول بی باک ایل \* دیمه بی باک بس جالاک ایل  
 تابنتی لار اوزلاری بیکلیغ بسیار \* بارچه تیرافکن و جست و جرار

1) بیز. Pyk.

كوب باريميني چاغير قويار ابدى \* چاغير بدبن ايت و قوش تويار ابدى  
 قانعانين سرکه و دوشاب قيليب \* ابوي نينك عيشي غه اسباب قيليب  
 ميوه لارنى كزك ايلار ابدى \* اوزكا هر ني كيراك ايلار ابدى  
 تاشير ابدى ابوكا باغيدين \* قشقه چه راست اوزوم چاغيدين  
 ميوه لاردن قيليب آسايش جان \* ابويني ايلار ابدى باغستان  
 اول تاشير فرصت ارا ميوه سيني \* عاجز ايلاب يوك ايله تيوه سيني  
 يوكيدين توشه ابدى بير المه \* قولمغه دبر ابدى آني سالمه f 59a  
 بي نوابي اصر اولسه بيمار \* نيالسه خدمتيدن بير ته نار  
 بوز خشونت قيلور ابدى آغاز \* بولور ابدى غضبي دور و دراز  
 باغ ارا ميوه چاغى بو ابدى حال \* ابوكا كيركاندا ني بولغاي احوال  
 هر كر ايتماس ابدى اول شوم لغا \* تينكري نعمت لارنى نينك شكري ادا  
 كوپراك ايل ايله بولوب ابدى يار \* كيم اوشول قلعه ارا كيردي يار  
 نفس الارغه چوقيليب ابدى هجوم \* بولدي يار نعمت حقدن محروم  
 نعمت اول ابدى كه اول نعمت ارا \* شكر نعمتني قيليب بارجه ادا  
 بي نوالارغه نواساز قيليب \* احتياج اهليغه اعزاز قيليب  
 بير ساري ابدى بارمغه نعمت \* كورساتيب تينكري بوليدا همت  
 چونكه بو ايشنى قىلا الماد يار \* تينكري بولى ساري كوز سالماد يار  
 تينكري اول قومنى انداق قيلدى \* كيم الار باشمغه بو كون كيلدى f 59b  
 كيم ابرور تاشقارى خرم باغات \* جارى باغات ارا آب حيات  
 ميوه لار بارجه ييشيب تازه و تر \* بي نوا اغزيمغه لايق بكسر  
 اول جماعت قباليب فورغاندا \* بير هووج سوييمغه محتاج اندا  
 ميوه نينك حسرتيدن جانلارى قان \* ميوه نينك كورماكي خود ني امكان

حضرت خان چيريكى خرم و شاد \* فصر و اندوه سوزيدن آزاد  
 باغلار اجره قيليب عيش و نشاط \* توشوبان سبزه سيدن سبز بساط  
 ميوه لاردن توزوب اسباب فراغ \* جتنى هر بيريكى بير باغ

XXXII.

سمرقند ايلى آچليغيدن غلاموس ليققه جيقيب قولاق  
 بورونلار ينى كيستوركانلارى

تاشقارى ميوه جو بيار اولدى \* ايجكاري خلق دلافكار اولدى  
 تاشقارى ميوه سراسر ييشنى \* ايجكاري آچليغيدن ايل شيشنى  
 عاقبت قالمادى ناموس ايلكا \* بولدى غوغاي غلاموس ايلكا f 60a  
 اوغربلاب ميوه بيكاج بير نيجه لار \* فوج فوج ايل چيقار ابدى كيجه لار  
 چون غلاموس ايلى بي باك اولدى \* تيوه آنغه طبعناك اولدى  
 تاشدا ساقلاو بوروتا باشلاد يار \* انكديب اول ابلنى توتا باشلاد يار  
 كيمكه توشى قزاق ايلكيكا برون \* بيردى بر باد قولاق بيرله بورون  
 حاصل اوزكا چيقا الماد يار \* قلعه دبن اوزلار ينى سالماد يار

XXXIII.

بابر ميرزا كوميكا خانىكه خان و تنبل چيريك تارتيب  
 كيليب ينده قورقوب يولدين قايتقانلارى

چون باسيلدى نيجه كون بو غوغا \* بو خبر شهر ارا بولدى پيدا  
 كيم بوروب خانىكه كيلكان بولدى \* ملك دزق چيريكيدن تولدى  
 بولدى بابرمغه مددكار اولجان \* بولغوسى شهر ايليك بار اولجان